



原序 田居詩

舒曰敬

長示

予年未四十歸耕故里歲暮田居之景領略熟矣時吟詠詠不及焉何也詩仗情生情隨境起境緣感觸非大有拂戾者迫其胸懷而欲真其詞旨無病而呼不能動人必矣憶三十年前先君在堂年高亡恙而時又小康歲晚務閒先君樂與比鄰田叟雞黍往還小子侍焉覺融怡氣色熙然如春絕無喚起愁端衝口欲吐之景間製一二農歌外未嘗有詩也今何時哉井里蕭條可憂方大吾友萬茂先挾濟時之才具八上書而不見收行者惻焉情境相迫憤激萌生鬱積既久勃發於歲暮田居之日得詩若而篇抒幽思于瑋詞引一機爲萬緒淋漓真摯無所猥滂而自成一家人之言曰詩

三百篇皆聖賢發憤之所為作也。固也。乃茂先之憤與孤憤異。故牢騷蕩滌。典用宏深。變幻百端。了無迹象。所謂情兼雅怨。體被文質者也。令移茂先今日之境為三十年前之境。即有吟詠度無能踰茂先者。蓋茂先姿性載敦厚以溫柔。其於詩道生而近之者。唯直如予殊媿之矣。嘗謂古詩在今日七言未亡。五言耳。能存五言古者。落落乾坤僅一萬。茂先此詩二十首。予刪其一為十九首。見嗣響十九首。賴此十九首也。

原序

田居詩

陳弘緒

癸酉冬茂先鬱鬱不得志。讀書劍湖。得詩二十首。蘇武子曰。子以為較淵明何。若予曰。甚似。甚似。淵明之真且甚似。淵明之怨也。嗟乎彭澤五斗。淵明於三徑之資似稍具矣。迺茂先竟不能傾身營一飽也。茂先怨而達。慨田竇招綺季。猶之淵明之曠遠也。江西詩寔祖淵明。以無甚似淵明者。遂移其俎豆於山谷。山谷易似淵明。不易似也。今得茂先當以淵明為祖。茂先為禰。從而長子孫焉。江西似此。而益張矣。茂先曰。古今人或幸或不幸。昔之淵明傳矣。今之淵明安必其又傳也。嗟乎峴山之淚。騷人文士之所不免。然而羊叔子則竟傳矣。○此○結○無○限○惻○波○令○人○不○測○起○止○

茂先不見謝無逸潘邠老諸人乎。彼其似山谷者。猶傳况於

其似淵明者哉

海園集序

原序

譚元春

聞茂先之名者十年矣人稱其至性深淳篤實而有光深思
 好學不知倦怠古今高深之文聚為一區而性靈淵然以潔
 浩然以曠且為吾輩同調及予過蠡浮貢舟未息權遇一黃
 冠問此中人士黃冠即應聲曰萬先生萬先生予心知其為
 茂先也怪之何其名至是其後延接友朋所稱茂先者亦謂
 其與吾輩調同而人地之美如予家居十年所聞者但益以
 獎來學抑薄俗即緇素童孺之長一技有韻必令其聞于人
 人而後快以是名益重如是則尤文士所難也予觀茂先良
 然而獨所謂同調者茂先不受予亦不為茂先受之蓋吾輩
 論詩止有同志原無同調客因問曰志與調若是殊乎予曰

元園集序

三

非但殊而已也。調者志之仇也。有志之士原本初古審已度物清而壯壯而密常以內行醇備中堅外秀發為自不循人之言而其途無所不經則試取古人之詩而盡讀之志無入不同調無人同陶澹謝麗其佳處不同元輕白俗其累處亦不同譬如人相知貴知其所不足因而濟之豈在衣履同笑哭同哉。夫茂先之詩如鐘鼓聲中報晴如大江海中扁舟汎汎又如冠進賢不俗之人又如數十百人持斧開山聲振州郡而其實則幽人山行也。此豈吾輩聲調所有哉而至其原本古音審度物我之志茂先無纖毫不與予同則何也。所謂志也。然則十年間稱茂先不容口者恐亦不能與黃冠之稱爭其深淺已。
議論亦甚濶不獨真也

漑園集選

卷二百五十五首

豫章

萬時華茂先

著

同里

喻珩沃庵

定

陳允衡伯璣

評

五言古

適宜豐紀別

晨起問前路。出門何所之。上堂拜老父。四顧成凄其。入與大婦語。畏令愛女知。弟侄遠相送。揖我江中坻。丈夫事四海。燕越皆驅馳。胡為下澤車。適此空山陲。仲冬氣已肅。行客易慄。悽烟際日孤。上郊寒樹無枝。薄暮鳧雁集。兼之虎豹啼。驅車入古巷。酌酒聊賦詩。明月照短夢。列星羅戶垂。攬衣起復寐。

隣。柵。聞。寒。雞。

氣度渾雅自非淺人

藏板

送劉士雲

鴻鵠翔遠漢。藤蔓依故丘。丈夫不得意。崎嶇常遠遊。西風下
百艸。送子理行舟。清曉風色厲。淅淅吹衣裘。盪匈左蠡雲。匡
廬發孤道。吳越古山川。可以足奇求。我適數百里。子獨途路
修。告婦具美酒。各歸相勸酬。感子園中樹。明月徒高秋。

不盡

述懷

暮春氣已和。黃鳥鳴高枝。故故楊白花。亂舞高簷垂。居人念
明發。淚下如雨絲。晨起適單袷。宛在窮秋時。去年二三月。旅
食西山西。寄書問老父。家人無異辭。夙興而夜寐。但苦顏色
衰。今年適庭內。土座靈衣披。朝昏日上食。酌酒徒盈卮。升堂

失語笑下堂。思履綦入閣。暗塵積遺書。難復持弱女。苦遶膝
未知阿翁悲。低頭復嘆息。憶翁提抱時。

孝感有三百篇之敦厚

酬徐巨源湖上寄懷之作

君居湖上廬。我居江上堂。江水夜盈尺。湖風開綠楊。雖非曠
百里。已在水一方。去年各家食。風雨猶趨踰。對案共晨饌。藜
藿亦得將。今年離舊羣。城郭烟中望。遂與君兄弟。嘉會安能
常。昔為一池鴛。今為隔浦鷓。鷓鳴戀儔匹。爾我皆孤翔。晨朝
大風起。南北稀桅檣。高樓商人婦。望夫淚沾裳。感子懷我詩。
字字摧中腸。湖邊敷坐處。艸生今許長。

此詩聲色俱化轉折處實費苦思

飛花

落花亦解愁。不逐春風起。春風故撩人。亂送深閨裏。花從門

外飛女向樓中泣樓高下翠簾莫使花飛入去年春風緩昨夜春風急含愁拾花片花淚盈盈濕

但情深之語必傳

懷東元定

山氣變日夕閉門愁雨聲遶屋將夏樹猶及春風鳴去年蕭寺中與子坐巖更霜被冷于鐵燈微雙影清所語不可了亦已雅俗并鬱鬱各有適悠悠復西征宵宵玄豹宅忽忽鳴倉庚開子列講席朋來盛縱橫此道寧足齒差以慰瓶罍晨游後園中馴雀隨我行無故楊白花衣袖皆盈盈我懷在離索離索非至情子貧我亦賤七尺未分明

後半託意遠而古

將至金陵紀別

我生常鬱伊緝蘆章水湄出門耻于謁杜門耻茅茨朝來欲

有適杖策候鳴雞家人具晨饌炊黍羹粗糲仰視天河影羣星漸無輝僕夫荷被出篙師待江坻幼女纔六歲送我必及畿惡聞阿翁去復恐阿翁悲垂頭澁言語但問歸來時送翁出門去獨坐號戶隅丈夫何爲爾無事行驅馳

質朴處却有秀色此

徵君之獨絕也

夜坐

我昔別家時南風吹碧灘今我尚畱滯樹樹朔風乾我昔別家時幼女淚闌干今我歸庭內抱妹向翁看涉冬已徂夏日月如跳丸丈夫固有情不獨行路難樓頭飛雁過露重羽翼單音悲和隣笛聞之發長嘆鍾期負至性攬之不成彈杜康誠解事強飲無餘歡孤影酌圖史寢畏衾枕寒明明不能寐

坐見蠟炬殘

真率甚而錯綜盡妙○結五字出題

人日送徐巨卿

草堂七日事果略調春羹羹罷徐子至別我揖前楹胡騎六
十日赤白羽交橫我聞急歸棹子乃事遙征丈夫去妻子寧
獨念修名艱難略利害可以窺至情風霜臘月鳥哺子巢空
城饑或驅之出啾啾亦野鳴

託意遠高手高手

與袁則學別

天寒念儔侶忽忽愁離居饑鶚啼遠樹黠鼠奔前除明月照
孤影及我床上書感君同旅食異地成歡娛清言浹宵旦義
與賢聖俱丈夫重意氣傾締各有初別稱在明發念之悲有
餘寒江多北風風起浮雲趨雲生去天末爲子立躊躇

從蘇李出却新警

初營漑園示諸侄

汝叔志寡營營寡塵亦觸門多四方賓茶酒惱僮僕干謁固
所嗤聲氣亦多辱汝妹向我言今季髮還禿攬銅始自嘲歌
笑發幽獨我祖漑湖居百畝代微祿潘岳感二毛閒居賦初
築周遭依故陵種蔣將袁陸隣父嘉此役施我多桑竹楊槐
桃李梅果蔬及葵蕕雪朗天容開欣然具畚揭壯夫行土功
一簣且未足幽風古樸淳于茅亟乘屋改歲思昔人吾以備
謠俗

難得如此滄古

秋日過丁氏妹東時之

西風吹古巷驅我下澤車百鳥集喬木森森見君廬諸甥聞

我來整履奔前除。僮僕聞我來。壺榼縱橫趨。妹聞阿兄至。結束臨中厨。呼婢入後園。擷取泥中蔬。老大同鄉里。謀生但饑飮。入門共一笑。內顧悲有餘。寇盜滿山谷。骨肉幸亡虞。上堂古琴靜。尚保先人書。天命各窮達。安樂且須臾。命酒酌前軒。忽已星月舒。徘徊白露際。天河澹眉鬚。安知鹿門翁。偃蹇非良圖。
怨甚

詠嚴太母 并引

天水嚴母卜太君。二十三稱未亡人。撫四歲孤文行成立。孤復蚤世孫。二曰或曰狝狝。又先其母卒。太君繼撫孤孫。貞苦幾五十年。讀或所傳敬為賦詩。
慷慨易為烈。立孤難為功。俯仰今古間。幾人振英風。游覽巖

或傳太母丁運窮。夫逝孤呱呱。泣冰霜。悴佳容。漂搖授遺經。文事雜黍豐。奇才遺典朝。玉樓賦虛空。得年遜李賀。遺雛兩終童。狝也先母殞。百務交藐躬。老影撫弱孫。悲痛達穹窿。既殷宗。祊慮晨夕憂。復叢故人解。駢駕突烟亦。遂通孤孫誦。芬芳裏。奇行有逢吁。嗟嬰與杵。袴匿離晉宮。吁嗟張與陸。厓山浮巨艦。成敗勢懸異。感歎生殊同。獨母撫孤節。艱貞兩世中。其人雖巾幗。千載有餘雄。

歲暮田居 有引二十首選十

負疴中田歲聿云莫。時謝賓遊以親妙藥。旁視四壁忽忽。意動吟咏。遂生積五日得二十首詩。不云乎獨寐寤言。余之謂矣。

弊廬守窮歲。霜風吹敗裘。閒居自言樂。或以增繁憂。憂多語
欲衝。耻與僮僕謀。偃仰會天命。冉冉室中愁。松柏植高榦。冰
霜互網繆。根株豈不遠。安能離故丘。聊用愛我拙。巧將何所
求。

字字從苦思出勿輕易看過

幽居念疇昔。日月忽已今。無論悲與歡。事事勞寸心。宇宙一
皮相。謗譽隨升沉。誰識道旁牧。慨慷揮黃金。復思隆中叟。三
十逢知音。高臥北堂上。差同梁父吟。

中歲被憂患。苦為俗所嬰。詩書沿先轍。且復愛斯名。晨梳啓
青鏡。覽容時自驚。白日照東壁。素月已西楹。莫疑造化理。榮
悴緣物情。弱草無強蔓。苦荼無甘英。

之若命也

憤極却歸平淡所謂知其無可如何而安

獨處行易悲。我反甘茲獨。出門語嘿乖。聊此慎榮辱。歷覽貧
士傳。幸同古賢躅。薄暮何所裏。凌風倚修竹。高皇布神武。禮樂冠百王。太平千萬歲。安事諸儒狂。聊用束
縛之。排比粗成章。小臣昧聖意。吐詞謀宮商。探書上宛委。匈
腹夸昂藏。不才棄終南。孟子徒摧傷。東方遇侏儒。何當論短
長。

結句罵得好

陶公有清怨。含意獨不歡。枕席晤千載。耳目皆悲端。衆但慕
高節。此意終不傳。古壁照燈影。破爐生暮寒。孤憤托尚友。撫
几流長嘆。

結得高再下語便失之矣

丈夫惜意氣。寧論升與沈。出當共雲干。處當共烟岑。我有求
羊侶。三五東湖陰。餘子皆有役。次第冠華簪。向步南郭門。更

上松栢林。嗟哉劉與李。高墳埋素心。

士雲平叔也。此則漢魏矣。

平生乏酒嗜。獨醒殊眾歡。坐有枯桐琴。絃絕不成彈。外物或

所資。深情賴盤桓。我生簡妙伎。幽獨思艱難。朝步歷高隴。峩

峩切雲冠。田父偶相遇。聊與問加餐。歸倚門前樹。賴君同歲

寒。亦見生平

張薦隱深竹。仲蔚樂長蒿。風塵昧至性。幽翳良自逃。宅東有

高畝。負甕聊周遭。左渠帶長川。蒼然山氣遙。卜築誓云始。綺

季徐可招。榆柳前後列。蔬蔓縱橫交。長揖謂園叟。開春護新

條。小人學為圃。飛鳥管其巢。

格高意遠

淒淒歲云暮。四時倏已周。萬物息餘倦。人事增繁糾。高門覓

盛麗。奔走僮僕儔。蕭條原野間。新故生百求。扶桑與濛汜。萬

古東西流。歲暮復歲暮。馳驅生獨愁。

乙亥二日滕王閣社初集

大江流東西。元氣共奔走。疏鑿神禹勞。彭蠡亘其右。宇宙揚

大風。突兀柴桑叟。上追雅與南。下呼屈宋偶。舉目千餘年。此

道亦已久。性情各有至。經營異心手。今日閣上盟。不在接杯

酒。陶公鄉里賢。精靈或師友。况念追琢功。詩書主恩厚。誰為

紫鳳鳴。秋秋在郊藪。朝觀閣外山。萬古未衰朽。暮觀閣下水。

澹泊照虛牖。咄嗟世人心。意氣樂相負。

雖言之未暢。已自矜貴。

曉度牛嶺三首

巨靈闢幽壤。滄然劃茲區。錯若羣兕蹲。亦若干羊趨。寒光積

巖壑。高厚氣有餘。悅疑虎豹宅。或有仙人居。山中建子月。萬

嶺天風俱雲雨助奇勢車馬爭盤紆鴻濛遇雲將靈境將焉
如

我生在乎陸原隰錯丘里不飲山中泉但聽田間水曉杖曳
空谷琴筑異纖指蘿葛蔓深蹊亂石濺飛乳萬古此奔流不
得窺原始顛氣洩真宰吐翳良未已

羣峰列兒孫迴環宵如失晨光開林霏木末幻空質野人炊
濕薪嵐靄混朝突雞鳴何樹巔回首白雲沒雲深養孤樵石
罅斤斧出小鳥啄古苔騰猿拾餘栗所襄托空山清事信非

一詩學常時聆乃極有少陵趣

別宜豐馮中星吳起之桂子張明期諸子追送畱別
溪山性所戀况乃悲昔遊昔遊已十載今別增縞繆人生各

有情似為離人愁白雲躑以躑洪波咽崇洲諸子畏我別怨
我不復畱晨朝挈壺榼滿酌臨行舟舟影忽以逝塔影橫中
流溪迴川路合雲木易阻脩居者各凝睇行者空夷猶回首
千山樹衆鳥鳴相求

中有深悲寫出輒令讀者泣下不獨離憂也○結妙

紀六月廿日夜夢與阿瀉

離家已千里南風吹又生中斷江與湖日夕浮雲征昔夕東
湖夢倚嘯湖上亭諸從語歷歷慷慨皆平生徐子好兄弟祝
轅語縱橫書生見天子何事終怍營適家見妻女太息當柴
荆囑女千萬端語罷尤叮嚀節食還加食居起行自矜女謂
阿命去欲語淚先零勸翁呼母別此歸歲已更夢迴一長歎
戶戶天雞鳴人生自多感別離誰能輕仰視天河際箕斗猶

未傾照人三山月。細細窺前楹。

時人那能如此真率

劉伯宗至金陵過訪同魯孺發戴敬夫舒芭孫侄臯月

坐有作

明月照萬古。美人多戚傷。才士苟不樂。亦復多徊徨。今夕金陵月。皎若地上霜。劉子秋浦至。慨然具壺漿。同心四五人。列坐臨中堂。昔如日與月。曉夜終相望。今如天河星。匪侍明月光。天河照人袖。明月窺我床。病子御單袷。景依寒螿。感子具忠孝。謀略多慨慷。慨慷在今古。仰視浮雲翔。我爾同所適。君獨巖晨裝。神龍騰遠漢。鳳皇鳴高岡。聖人勞夢寐。四海猶未康。書生在豐鎬。感此恩澤長。襍被鍾山趾。嘆息思高皇。

肉食者愧

送方爾止獲稻歸山中

二首選一

栖栖秦淮水。零零秋露溥。明明清天月。皎皎窺闌干。感子東西居。曠此朝夕歡。聞子復有適。絡馬垂金鞍。問子何所適。稻熟山中寒。禮樂在中古。謀食亦其端。沮溺誠不仁。莘野道不刊。雅事在東臯。負耒良獨難。詩書矜俗韻。亦令風雅殘。子喪亂後。黍稷虧晨。筆索租吏如虎。持箕復高冠。稼穡慎所寶。此意殊考槃。彷彿彭澤送舒成之還里。丈夫適四海。乃生兒女仁。人生感離別。骨肉行益親。我生帝所賤。出入嗟苦辛。中歲見天子。顧盼京路塵。駕車不及渡。病臥長江濱。白門困紅日。嘆息清霜勻。僮僕憂我病。屢卜神或

真親友念我病門巷填車輪遇子長干道入戶眉生顰匝月
 同所止旦暮勞咨詢起居戒周慎行止兼具陳止我南歸棹
 示我前路因我當送子還念子同一身浩浩長江水悠悠視
 高旻歷歷雲中雁離離霜後蓴吾師已三載墓草秋如茵祥
 琴子當和離瑟同逡巡倚閭知子懷築場情乃均妻女東湖
 上天寒戶當墜願子入相慰諱我道路迤相送在他縣慷慨
 當茲晨揮手一長笑笑罷淚盈巾

女語此為近之微遜其才耳

湯臨川有赴師生夢詩情致雋朗而昵昵作兒

滕王閣送陳仲來北行四章

平生愛秋天曠莽混遙碧登樓際高深鴻飛薄天尺感子具
 行舟居者長歎息我行十上書歸來坐空壁窮達理不齊君

臣道惟一我友騁修塗念彼詩書力

起四句見題中滕王閣三字

聖人十二載垂衣念陶虞皇天示殷勤日夕多羽書君昔驅
 五馬出守東海隅匪獨安其曹亦以慰警子饑餐海中水晝
 食園中蔬耿介或見嗔天子賴微劬北風江上來與子立斯
 須宇宙賴公輩明發當馳驅

起結是大家風格

海州畊斥鹵歲歲田無糧刺史念民瘼奏記多慨慷慨慷大
 吏側抗疏明主傍天子謂司農此事宜審詳公時仰天祝美
 意通昊蒼海人千萬戶亦如畏壘穰吁嗟溥天地秋盡寒無
 裳餉遼復餉寇饑烏啄空倉昨夜縣帖至練餉尤輸將君持
 宿昔意惠澤覃諸方我思治平略所憂在龔黃
 瀏瀏艾溪水曖曖漑湖烟相去十餘里俛仰三十年離合安

足道窮賤吾自憐。仲尼出載贄，軻也謂之然。溫飽誠足哂，勞
餓或所先。前年州府檄，索我臨中田。三載被主恩，偃仰羞自
前。呼奴具款段，出市買長韉。君出我亦至，相期勒燕然。長安
沽美酒，待我明月邊。豈如蘇與李，躑躅河梁篇。

四詩公有經世之志

病起自述

病起嬰兒觀，亦如老僧態。晨朝辭枕席，稍攝裳與帶。十指困
爬搔，欲往足先敗。目觀眩晨窓，爐烟瞑相對。栖心托毫端，萬
物若烟海。人生苦怖愛，出入亦多悔。生死怖乃空，成敗舉亡
礙。神觀自孤清，假合乃多害。用知學問功，多在詩書外。所以
學道人，病中觀自在。

萬物若烟海，益悟陸機民動如烟之妙。全首知公于學問有省處。

七言古

湘江雜咏

夕陽江上多古木，數聲柔櫓遙山綠。日光穿樹霞作波，晴沙
搖颺鷗鳧浴。楚諳裊裊逐風低，扁舟晚傍青樓宿。青樓美女
芙蓉花，聲聲細度迎郎曲。高薨繡戶臨蓬窓，盈盈水際人如
玉。
此徵君少作也，規矩氣韻已自成家矣。

客筠州寄別徐念孺省觀上谷

薜蘿春臥空山裏，布被匡床濕雲泚。虎豹愁人狄夜啼，細雨
新蕉打窓紙。夢迴欲眠不得眠，聞君將買小孤船上堂拜母
出門去，徑犯上谷之長烟。嬌兒牽衣愛弟泣，滕王閣下千帆
急。諸公辛苦囑長途，我獨看雲萬山立。記同蕭寺春星卮，酌
酒看書共嗔喜。燕山大道直如弦，相約馬蹄今已矣。去年與

子愁寒冬敝車瘦馬來山中今年別我君更遠弟兄駭散如
飛蓬衷生葉生亦異縣驅之不住皆孤窮梅花冷照讀書屋
各餘小弟章門東乾坤納納此踪跡憔悴春風聽不得題詩
遙送北天鴻蕙帶荷衣少顏色

留別蔡大美顏庭生

蔡郎顏郎住城東古窓紙壁愁寒風窓前老栢臥雄鷲枝葉
瘦硬如虬龍書聲夜夜映苦竹題詩鬼泣苔花叢我嘗敝車
訪幽獨有時共宿燈花紅蓮華丁丁語深漏不覺城上聞遠
鐘穴中羣鼠伺客睡欲出不出愁無窮宇宙荒荒皆偏仄意
氣從來消不得堪嘆管鮑比生我結交猶用黃金色蓬蒿相
與我輩真不憂傾覆憂南北子將舊里君結廬我家戶映龍

沙、白、古、梅、待、我、小、屋、傍、北、風、朝、朝、送、歸、客、二、十、四、幅、江、中、懸
宛、水、回、頭、曉、烟、織、秋、屏、閣、上、愁、雨、聲、春、夢、迷、離、敬、亭、側。

月夜泛湖作

并引

六月十六夜泛舟青湖與姜堯章謙伯魏太初平仲家弟
風后五人俱大月輕航蒼波綠蟻小童善吹笛笛聲發于
中流宿鳥競起游魚數來堯章居水一方羣送之始歸歸
來月掛高梧河傾短恰巡簷多感率爾成詩

月白射湖湖水怯璫璫軟膩蛟龍懼青天帖妥收雲葉楚客
壺尊蕩輕楫中流宿漿波委蛇舟迴月影時東西眠鷗夢煖
歟飛去青童紫管橫參差草色扶烟塔輪小北斗碎臥芙蓉
卮魚吹素沫迎人語孤山雀唳逋仙歸歸路青松壓雲立白

露垂簷玉階濕。天河倒落落難拾。欲咏明河北門泣。轆轤聲。緩蟲聲急。
君亦從溫李入手歌行所乏豪蕩

元日聞雷

東風遲明拂后土。章水千家擊賁鼓。復聞鼓聲天上來。百里奔騰似天怒。聖人在上慶賜行。指揮木德宜天心。江南士女樂新歲。雲中玉虎晨爭鳴。厭原山中千雉雒。山中有垂龍守鐸聲。未奮九衢驚電火。奔光裂虛牖。我聞元祐曾豐碑。朝堂砰礚揚天威。當時不聞震崔魏。今日轟轟徒爾爲。前年除夕駭天地。雨師驅雷曳長勢。老僧告我兆豐年。黍稷千原響秋銓。此祥占測當何如。惠休已矣徒嗟吁。腐儒不解識天意。破篋自護青丘書。
癸酉除夕雷等可上人云經此等詩系藏中語當大有明歲果豐空作

夕佳樓

朝登北城風怒號。沙飛十丈寒雲高。春鴻欲歸呼其曹。樓頭歌管聲嘈嘈。此地管絃朝復夕。父老經過多太息。城中少年那復知。云是當年僕公室。僕公生長自胡塵。百花洲畔吟餘春。秋風五桂散遙馥。兄弟出入皆朱輪。潮陽歸來遍紅巾。翰林樹幟城東門。堞摧櫓折鼓聲死。清池湛湛哀英魂。從者妻子十一人。葬者道士陳白雲。東風花開鎖空宅。狐啼鼠竄無朝昏。僕家之樓夕佳額。滄桑轉眼悲行陌。凭闌風物誰獨存。章流靜照西山色。城邊擊鼓白日低。明月光中烏夜啼。游人醉舞公獨悲。霜天客散颺朱旗。一朝幸遇李夫子。爲汝拂拭揚鬚眉。樓頭歌舞如昔時。樓下木主公安之。南州一片中華

土節義鼎鼎。亘今古。後來孫許氣如虹。日月河山共吞吐。中原寇馬今復馳。江南江北多鼓鼙。公排帝閭叫閭闔。爲我擊賊綏。烝黎。敘事詩難得如此恬雅

驅車西門行贈陳龍媒

并引

龍媒築室廬墓屏。處西郊。余過而有古孝子之思焉。向肩生伏闕。陳子與偕。并及之。亦有感乎君臣朋友之間矣。驅車曉出城西門。野田草綠黃。狐奔老鴉哺。兒兒返哺中有孝子悲。心魂停車忽入孝子戶。素冠團團面如土。兩棺在上。我再拜。曠野晶晶天色苦。今人讀詩不讀禮。稻錦油油時見齒。大儒進止循周公。麻衣直杖數亦止。古道蒼茫見陳子。築塲三年自茲始。前年沈子叫丹陛。瘦驢短衣向燕市。君入耻

爲父母生出門。甘爲友朋死。君面如土骨如柴。石子礪邊門。不開吁嗟乎。偉元中郎安在哉。血淚班班栢樹摧。朝朝白兔趨墳臺。

五言律

春日張玄逸竹雪齋同朱鬱儀張曼胥胡實美戴大圓
李雲將各賦二首

七子林中約依然。竹下盟疎烟宜弱。柳輕雨澁春。鷺大業于秋社。偏師五字城。杜陵花事好。今日慰平生。五六多態致岸幘對春風。朋簪此會同。雨殘喧語燕。天遠遞歸鴻。細草徑中碧。飛花原上紅。醉看沙際晚。汀樹莫雲中。

秋日偕李雲將偉長侄惟調游集江天閣

高閣倚江濶悠然思不禁流雲低曲檻平野出重林天盡峰
形轉波澄雁影深軒窓凝望遠萬里敞秋陰

八月十四夜同雲將對月

逃名三徑在秋色澹相看露下梧陰淨天空雁影寒交情憐
劍合吾道豈龍蟠何限蕭疎意談詩坐夜闌

王李

送朱幼晉再遊麻姑

草色迷江渚淒淒又別君山川新得句猿雀舊爲羣樹古荒
壇月泉深濯洞雲登臨正春服應試女蘿裙

早秋懷余小星

露濕芳園靜天空大火流衰蟬尤傍暑吟葉乍成秋幔入松
陰重燈添雀影稠驚心疎柝裏酬和隔應劉

送衛子建歸河東

四渡章門水歸與益黯然講依壇際杏離引曲中絃野色朝
隨馬溪聲莫入蟬西風時念爾千里太行烟

送三弟升之盱眙

北向多鴻雁春風愛弟裝蚤花乘別思細雨急孤航津舍聞
鶯語山川指鳳陽相逢沛父老好共祝高皇
老父懸車後趨庭十載餘一時子季遠二月客程初旅夢歸
方斷離筵柳半疎白雲天縹緲莫只數行書

獨坐看落花

樹樹驚花落無人立小軒香魂拚雨冷離恨與枝繁愁劇非
關淚心傷未忍言蕭條勝此意嬌鳥故相喧

吟成衷晦若至復有作
飛花能好客故故作逢迎春老舞增態風驕墮未成拂雲時
片片照日尚盈盈似惜芳華落沾泥屢自驚

起別甚○因起佳遂畱前

中秋夜山中對月

松雲千萬疊到夕野光團湖濶烟無盡山空月自寒砧餘鴻
影度露下葉聲乾應有高樓婦羅衣畏獨看

閉關示念孺

與子懸孤榻封塵畏客來經旬疎白袷未雨遍青苔徑軟紅
爭墮窓虛綠自迴開心與遠思明月亦無猜

紀行

清時不得意鞍馬向空山路草侵人短崑花著雨斑霜添枯
樹冷風起亂雲刪獨羨投竿叟寒流靜一灣

野橋殘月渡寒霧總盈盈路失高低影禽喧上下聲林光連
曙動霞色映山明處處驅牛出溪農趁曉晴

寂寂筠州路輕烟半有無山深宜吠犬村晚集寒鳥作客同
王粲逢人說小蘇荒荒斜日影淒澹照昆吾

漸入空山裏迴岡四望低雲隨平野散樹帶遠峰迷淺碧鏤
沙靚輕黃綴草齊桃源如可覓疑在小邨西

複沓成何往迴看已四圍畦隨山路變鴉切嶺雲飛獨樹分
池少高松蔭畝肥炊烟村舍午嵐靄共霏微

子月平郊寂朔風吹滿林橋危看墮日徑轉欲成陰汲水村

童慣鉏園老父深棲遲行古道不獨別離心

六首澹遠有味外味直適

王孟

同舒芭孫山店酌月

清尊共良夜照地月初升里近淵明宅人稱大曆朋詩情關
唳。雀。山。意。靜。寒。燈。霜。被。侵。人。蚤。關。山。曉。夢。曾

五六全在粘不上妙

道中苦雨

野宿春雲裏冥濛遞曉程烟多山欲浪寒重鳥無聲車為衝
泥怯衣難帶雨輕僕夫前路意如在劍門行

劉隨州得意詩○此細雨

濕衣句更警惜結少味

夏閨

遼海三千里胡塵已數年君王歌杖杜夫偕幸燕然獨寢餘

長簾裁書疊小箋三全河北雁秋至又西旋

妾家湘水上君向受降城帕汗兼啼漬衣寬為恨盈貌同花
落索別見草枯榮刺繡過長午雙鴛竟未成

結句入樂府絕妙說夏閨

意遠

送徐無適游吳

霜天沙雁裏今日送君行舊社疎談笑新知熟姓名水寒魚
性定帆靜鳥飛明愁絕江東樹殘雲日暮橫

送王慎五歸涇上

別離何草草岸上踏歌聲為客章門上乘舟蓼水清波光搖
雁影關色動雞鳴宛在桃花裏潭邊送遠行

雪後過匡嶺九奇二上人奇善詩分韻各賦

師弟過僧臘梅花閉屋深寒光流薄瓦雪意在疎林窓濕雲
難去香微縷易尋竹爐今日事敲韻費清吟

崇禎改元人日西山晴望有感

階萱初報朔七日聖明朝綵勝簪無異椒花誦獨驕林光羞
虎豹雲物麗漁樵獨怪經冬雪重崑尚未消

深厚

月夜滕王閣別鄭謙止太史韻四首

公時以崔魏之
難遊地粵東

出城因愛客尊酒醉滕王檻覺雲來靜江看月去長沙遙微
見白山杳競爲蒼共惜朱簾地高歌夜未央

灌嬰城下水五夜只東流閣影洲前古杯香月底收蛟腥迴
酒氣鷗夢散春愁欲駕西山崔仙人或可求

簷外春江色渾疑海氣封雲根埋野色樹尾混山容閣上雷

巢燕階前臥醉龍離心驚斷續已入寺門鐘

結句近鍾譚

劉向陳疏後傳經心事違羅浮看日出章水弄雲歸猿雀盟
雖定豺狼氣已微到家應自懊又別舊漁磯

晚至龍沙復呈湛公

小舟尋處泊衣帶隔江烟鐘磬高林外牛羊落日邊沙平分

有○生○趣○鳥篆亭晚出荷錢共欲蠲煩慮叅師到講筵

寄崑銅

記得南風棹江邊送沈郎漿依菰葉暗岸失柳花香吳楚兼
春候山川滿夕陽犀軒迴昨夢蕉影伴蒼筤

送重熙一兄之淮陰

宿雁分朝影章門野水邊弟兄嗟遠道離別畏中年風定晨

開纜江寒早著綿淮陰垂釣處今古易潛然

平淡處不易到

與徐永叔夜坐

同君耽寂寞窓紙夜深鳴話久霜前杓書殘臆後檠柵寒雞不定漏轉鵲頻驚去住思江上橙花坐晚晴

澹逸是唐人髓亦不必沾

沾少陵也

已嗟儔侶散歲晚獨相親天欲程門雪梅先楚國春交情新舊曆人事往來身苦思經寒重三更剪燭頻

守歲

聖代儒冠誤俄驚二十年劬勞哀白髮貧賤畏青氈梅蕊寒將迸椒花淚共傳遲明春角動澆恨朔風天厭聽隣人鼓東墻獨夜身強懽憑愛女託業愧中人燈燭沿

鄉舊衣冠拜曆新窮愁問生理難測是前因

各有此感

雪後過巨源湖上

東風纔十日作意蕩湖水雪霽和烟斂波搖得日澄柳眼穉盡起榆老鵲頻升似有龍蛇氣春從大澤蒸

氣蒸雲夢用押韻佳

樵舍驛

十年羞作客今上秣陵舟水濶生離夢雲歸寄遠愁雜花園古驛垂柳隱高樓去國從茲始先生劍蒯緱

水濶句亦新

吳城

澄湖不可望望斷楚烟迷水國魚龍沒晴天鶴雀栖吳城依戍冷匡岳照船低此地今何有千帆亂綠西

低字妙他人但形容其高

遠耳

南康夜泊

匡廬峰下月何意入船窓水氣星兼動山形夜自降帆檣歸
暮鵲燈火吹村厖坐久侵涼露天河半在江

洲泊

明月不照地輝輝江上沙豚因風作陣鷗以水為家京近紅
雲大帆孤碧柳斜與誰沽暮色今夜宿蘆花

中秋招里中諸子夜集

同作他鄉客西風在秣陵天畱今夕好月似故園升感重憐
時序家遙賴友朋巢鳥應類我三匝意難勝

見月

青天眉影小五見是他鄉鏡破心難滿弦微魄易長漢遙疎

過雁霜冷照啼螿意折家人語光應到客裳

聞雁

何事驚孤雁年年故國音感因逢異地影易過疎林與月聲
來往穿雲色淺深倘過章水宿憑寄遠遊心

知却說不出

第四句聰明極矣人人所

飲天逸閣有懷梅禹金先生同孫其星沈眉生治先令

子無尤令孫朗三

上閣添惆悵東坡舊雪堂襍花生筆塚遺草亂書床燭影當
時幔池邊此日觴西風下垂柳猶似聽宮商

馬當同三弟阻風

風急馬當怒披裘共扣舷河山同草露枕簟宿蓬烟魚蹴寒

花浪鴉盤敗葦天弟兄如雁影漂泊大江邊

安慶曉發

欵枕蓮花漏鐘殘度皖城曉光催雁宿寒氣動雞鳴家遠經
○更○新○
千樹思柔怯五更魚龍雖寂寞應感權歌聲
正是無聊之極思

田家偶憇

古俗沿桑柘陰迴接四隣白雲支敗戶綠水愛行人犢嬾村
佳句
童狎農饑餉婦親雜花香滿路惆悵是餘春
那有此閒情

滕王閣春夜同諸子分韻

閣上占羣動中宵各未明河山留夜氣天地闕春晴雲臥蛟
○大○家○
龍穩烟凝浦淑平不知何處寺鐘到隔江聲

賦得青青河畔草二首

未識東風怨芳洲綠漸明寒知經雨變煖欲傍烟生人隔黃
花戍春歸細柳營綿綿汀樹外不忍聽啼鶯
將與白傅詩並傳
登樓寒食雨處處草如烟萬里人俱遠三春事可憐色殷侵
□血毛細點蘇瓊記得斜陽綠同看是去年

溉園落成四首

避人生計懶今日付雲烟開戶容山入沿溪得水便鷗閒堪
對席草長藉為氈燕雀休相賀茅茨笑幾椽
小隱吾何有幽居且自聊園仍依綠水竹未上青霄
用杜野
色先秋動天光及暮遙忘機誰爾汝田父與溪樵

青林宜苧裕散髮易天真榮辱評花史醒狂傲酒民應門占
犬吠施食覺禽馴尤感西堂月宵深只近人
結句用杜入化境

先生居栗里蕭散似桃源樹乞隣人種花憑后土恩汲雲常在沼尋月屢過村五嶽雖慚負田桑古意存

思字見生平安分意

七月初六園夜

物象觀流火羣心晚倍清院涼添野色林曲動秋聲斜月難成照孤雲未肯行燈搖村外影深淺較疎螢

細甚

霜月同社集歐于琪先生鶚亭分烏潛二字

隱几誰南郭開門月滿簾秋聲千樹小露氣百蟲潛今古光同積關山怨或添孤亭陪杖履因此悟清嚴

此詩可當清嚴兩字

余姬墓

年年行古道今到愴孤墳白日魂何處黃墟怨豈聞經時恬鬼伴此夜哭夫君彷彿疑薌澤風兼草共薰

經時恬鬼伴蒿里諸詩所

未經道

陳士業夜過漑園

問訊用桑侶君來到即懽僮奴交折屐橡栗且同餐地覺琴書靜人兼唱和難流連霜月影猶戀菊花殘

題好詩正以淺率妙

喜伯甘成進士呈大司馬

廟略資文士。大家重世臣。國方虛帶礪。人復上星辰。司馬華夷望。飛熊子父因。京山猶綠野。呼醉共花茵。

憶傍龍池柳。吟鞭逐隊看。聖情卿有子。朋輩爾為官。志久辭溫飽。時方倚治安。東湖磨鏡客。今日亦彈冠。

無一俗字但覺典雅

吳石卿將入池陽訪劉伯宗過別宿余園送之

雨餘驚屐齒。一似快新晴。徑暖初交蝶。枝垂盡待鶯。間鷗同

客散芳草別家輕。我夢隨君去。鵝溪水又生。
燈花今夜酒相見。惜相離。細雨泊何岸。垂楊對此時。衣冠多
敗缺。天地有征旗。幸子風塵際。依劉慰所之。

新柳

雨餘風際好。裊裊萬條輕。袖覺黃初染。眉看碧未成。蘼蕪爭
辨色。鸚鵡似多情。莫作章臺恨。春纔二月晴。
十五耶溪女。新粧上翠樓。天高初見舞。烟煖不知愁。夜影遙
分雀。雲香欲下鷗。東風恩浩蕩。領取在溫柔。

春日過衷晦若雪堂

十里春田水。繚繚照短衣。殘花香客路。深柳見君扉。犬熟迎
還臥。鴉閒到自飛。池邊雞黍在。何處羨甘肥。

舟行繇高安之上高印事

作客驚春晚。殘花處處開。波明村倒影。山盡岸生苔。密雨鷓
鷓潤。斜風燕子迴。暮天遙喚渡。疑復子瞻來。
瑞州城外來蘇
渡舊有喚渡亭

春盡日舟行喜晴

烟渚愁難霽。江光曉乍開。雨香餘草木。雲氣象樓臺。燕舞村
村柳。蛙鳴岸岸苔。子規啼更苦。應為惜春迴。
刻畫處無痕
跡

吳起之馮中星攜具西紅閣薄暮泛舟同桂子明期侄

汝士

十載重來客。川崑得友奇。草香春後路。樓影畫中詩。山盡逢
橋斷。雲歸覺柳垂。醉吟還夕泛。不為酒船宜。

棹轉斜陽動村遙水氣紅篙聲欺淺石人面照羣峰虹斷千
林雨鴉還五柳風河山同記取今夕暮烟中

李青蓮過舟中詒詩為別依韻奉答因憶沈青嶼先生
世晚難為士栖栖遂至今溪山悲對酒天地各孤琴感舊棠
陰重謀生研跡深中宵歌哭意寧獨為離襟

皆讀者胸中所欲感流

病中芭孫時來省視感賦

旅病秋難健憐余喜得朋蠲愁護較似分痛艾如曾鵲已填
霄漢蟲多語夜燈最憐鐘後別遙夢滿金陵

結句妙

清涼臺懷古

高臺同一望人照夕陽多豐鎬餘亭榭陳隋舊綺羅美人曾
玉樹衰草又銅駝怪得當時鳥城邊喚奈何

帝城秋色裏處處野烟長江欲蟠龍虎臺應配鳳皇才憐江
總老恨已阿糜亡王氣歸昭代英靈莫自傷

聞士業被逮四首

保障如吾子依然古晉陽鴉音聞北道瘴泣隱東墻底事囚
鸞鳳因之快口羊可憐捫貫索夜夜漏奎光

無限鵲鴿怨淒淒風雨傍萬人號楯陞九死付銀鑰敲卯憂
巢覆牛衣只婦傷吾家隣孺子祠畔泣滄浪

明主亦何意嗟君宦苦貧睢陽生報國新息謗繇人禍福憑
元老狂愚罪小臣匡時終我輩何計問全身

字字是少陵家法

胡為終強項丞相近前嗔破口亦殘息遭讒任此身論功知
聖鑒嚴譴為元臣獄吏雖如鬼君其耐苦辛

非熟于前史兼通世務者

不能道隻字詩豈腐儒與淺學可與言耶

清明見諸上冢者

王孫青草路遍映白衣冠寒食明朝近春飴客裡看杏花烘
日爨柳絮點衣殘多少中原地烽烟上冢難

黎美周南還已至京口聞予在廣陵挈舟徑造相見喜

甚鄭超宗移酒夜譚席間有作四首

感君京口路重繫廣陵舟芳草知同怨瓊花欲竝求莫尋隋
帝址如上仲宣樓佩劍何離襪相看共蒯緱

送子金臺去春風事渺漫擬從天上見又向客中看話久緣

情劇裝多慰裕單總添齊瑟怨絲肉未能寬

座客多湖海他鄉與故鄉病逢勛倍藥時子病河魚甚劇快聚夜頻

觴主聖羞同賤時危忍獨藏可堪戎馬事消息又漁陽

此夜難同月羈心淚燭前途君橋四六歸客路三千南北村

村柳涼暄步步船英雄古多事只是解相憐四六必不如

四律平淡中有激昂公之絕筆也不忍刪○今日欲覓相
憐者了不可得益令人思美周超宗也
選五言律最嚴似可當定論

五言排律

過舒夫子閉關處恭拜遺像示成之十二韻

夫子乘雲去龍門一代塵雄文畱岳瀆遺像儼秋春覺鬢

眉在詩存獻語真窓樞思步屨花竹見精神削草酬明主開

關必至人藜芽跌處膝花落醉時茵懷古遙窺笑籌今每自

嘆國方三聘使天返數朝身欲奠周家鼎空延孔室新築場

雖躑躅登閣更逡巡。浩氣三辰動，門生百感新。父師同下拜，今日淚沾巾。

此詩正有溫柔敦厚之意

七言律

送朱康侯遊吳越

三月已半江上行，江風送客浮雲征。連天碧艸王孫路，掀岸綠波南浦情。西湖日暖狎遊舫，白門柳細藏新鶯。吳山越山幾千里，憐爾得句春衫輕。

仄體自然

挽劉大將軍四首

三朝扞禦屬箕裘，鐵馬金戈老未休。裹革自緣殲異種，興師誰與問同仇。陰山道失非公罪，老上庭高厓主憂。重過西州念華屋，傷心何處是山丘。

戎馬東西最上勲，開邊重拜李將軍。名流赤社中朝共，骨染黃塵異代聞。花滿征衣三月暮，鵬啼戰血二江分。英風廟祀猶吞口，時傍爐烟結陣雲。

誓掃攬槍報主恩，捷書日日到軍門。可堪累勝輕驕口，忽愴偏師斷塞轅。壁壘天昏三路潰，鼓鼙日落萬人奔。朱旗獨夜蕭關外，來往時疑大將魂。

何事東方闕五星，帝心未許說犁庭。南來牧馬生時恨，北繫長纓死後靈。敗壘烏栖胡月白，戰場鬼哭野燐青。空寒更下遼東雀，華表歸來不是丁。

送徐若谷先生入賀二首

二月朝天擁乘黃，朱旗千里拂垂楊。海隅雲日歸龍袞，天上

海園集
星辰接鷺行。大國河清知。令主鼎湖弓在泣。先皇當年長孺
趨丹陛。應有封書入未央。

閶闔高呼拜舞同。琅函捧近大明宮。金璫細和春鶯囀。綵扇
雙移御輦通。北極雲開新附鳳。西臺月冷舊乘驄。豺狼去後
憐遺直。玉几看飛雨露濛。
近來詞人七言律少此深華

孺子墓

高士城南舊隱淪。山丘寂寂草如茵。村翁指點依殘照。太守
祠堂接比隣。繡觸碑臺文字古。香留俎豆歲時新。可憐漢寢
無坏土。猶識當年鏡具人。
字字移不動

送朱大拙遊楚

西風記送吳江棹。今日江干又送君。片席夜飛彭蠡月。方袍

秋染洞庭雲。攜來古劍芙蓉澹。吟罷高空木葉聞。酒盡船開
成率爾。白蘋洲渚正紛紛。
停妥

哭四侄鼎大祥

山城細雨總無端。憶爾彌留淚不乾。秋墓已能深草樹。朝脯
尚進舊衣冠。魂悽故院三年別。婦泣孤兒六月寒。最楚空牀
頻入夢。行藏猶覺共悲驩。

落葉二首

青山紅樹雁行齊。又見關河烏夜啼。漢月影隨飄處斷。邊霜
乾助落聲悽。三更破夢連刀尺。千帳驚寒咽鼓鞞。俱是飛蓬
俱是恨。洛陽城裡玉門西。
春渚飛花已自傷。亂雲秋點益倉皇。蒹葭氣冷搖秦岸。荷芰

香銷織楚裳。惜別空林時。作雨禁寒昨夜尚。為霜可憐已逐
宮前水。猶寄閒愁出上陽。
二詩多膾人口。頗似哀白燕矣。

箕子墓

王子高墳東海濱。野田芳草四時新。一坏雨暗周京淚。萬古
風生陸海塵。絕域春原仍秀麥。詞臣歲祀尚羞蘋。應憐舊國
魂難住。故故飛花逐漢臣。
代浣湖公出使作諸律俱妙。僅存此首。覺王百穀亦無以加。

過素園理雲將遺集悽然有作

千遍題詩百舉觴。昔時風雨共閒房。藤陰尚覆攤書屋。樹影
空搖看竹床。憶數春花紅在樹。或眠秋篔碧為廊。相如狼籍
多遺草。寂寞文園泣武皇。
公生平最相知。寫出情致。作詩不能感人大要。是辭重耳如。

此真覺清遠

送余小星

去歲君行螺水清。今來又指越王城。雲生古驛逢人別。月上
空江照客行。烟棹詩成消暑倦。溪田夢遶緩朝醒。多情莫過
傷心地。西子湖邊晚黛橫。

送劉西佩為尊相國存問謝恩赴闕

浦雲江樹裊晴暉。祖道東風雁北飛。蘆荻洲前開曉纜。芙蓉
闕下試春衣。風雷天已私黃閣。雨露君先侍紫薇。聖主從容
問加飯。百花深處蚤朝歸。
典雅足傳盛事

三月晦日雨中遲易寅初不至

遲君屢誤展雙扉。孤負春歸客未歸。柳葉寒多枝盡亞。竹根
雲老笋初肥。滿園宿蝶愁無語。昨日殘花怨自飛。寄問夕佳

樓畔雨東風應爲泣苔衣

六句妙甚在無字句處

螺磯

江外龍鼉拜古妃午雲黏綠上螺磯廟生涼雨蜻蜓出旗滿
靈風燕子飛草氣無名侵野渡鑪香不盡著人衣富明橋畔
初來客遙祝鄉園一當歸

野廟向江春寂寂古碑無字草
芊芊昔人佳句涼雨靈風近之

經太白祠下作

采石磯前曉雨昏孤舟祠下拜王孫魚龍波遠留真氣松檜
烟多闕古魂花落江潮趨建業苔封山路自開元風流寂寞
三郎死地下新詩可共論

此等詩題極難稱

七月五日憚回中友雪堂社集

同李祖脩龔安治宋此
玉郝子荆涂中發李仲

章朱
景周

美人開社雪爲堂露浥蕉衫共晚涼客到梧陰初下月秋新
桃葉未驚霜山河六代波聲小陵闕千門漢影長後夜更看
烏鵲羽秦淮羈思政茫茫

中四句是雅人語

雷白石明府招同羅中魯沈崑銅集署中佳倩陳天石

令子榮予出侍

竹裡行厨晚散衙相逢雷令愧張華巴山話到西窓雨蕪水
看栽繞郭花酒印春潮頻得雉析傳秋樹欲驚鴉何須獄底
求龍劍座上雙懸是莫邪

用事甚雅

九日江上遇樊致虛先生同令弟純宇家弟起先飲舟

中是日聞辰州兵備之命酒竟而別

鶴聚秋原况未殊他鄉他席共茱萸黃花不種江邊地紫蟹

同傾客裡壺節近湘妃星入楚帆開楊子夜歸吳陶潛醉別
還相囑憑問桃源事有無

波瀾老成

留別沈崑銅

屢失梧園夢裡期與君相見復相離關搖積雪雞難唱路滿
悲風葉易吹人向江東分縞帶愁聞直北關旌旗書生念亂
逢今別淚濕青山兩岸詩

詩字押得別

卽事

百尺龍沙曉雨橫歸心先度灌嬰城邨鴉送客羣相亂岸草
隨舟路不明薄酒御寒吹易醒題詩澆恨夢難平參差誰和
風前笛日午天雞斷續聲

結句有道學意自沙石區一派

下第送芭孫之蕪江兼訊崑銅諸子

淚盡蘋花不自由與君同恨別孤舟貧多去國家難問賤欲
嫌身客未休月照離魂生古岸霜催寒信入輕裘尤憐脫劍
逢知己江北江南處處愁

賤欲嫌身似王亦房句

招姜居之大司成集龍沙水亭同項從之家弟起先

十年踪跡向誰論出郭尋僧破履痕寺外高沙團法界亭邊
流水似孤村鴉銜野色遙催磬荷發池香欲洗尊却笑清時
蘇學士貧無腰帶施山門

不用沙堤語妙妙

生日龍沙示哲師師與余同日生是日驚蟄

浩劫微生負世尊春池羞見柳枝繁身兼俗諦因妻肉業種
多生在語言犬馬何緣同佛日筍蒲相供累祇園人間此日
知驚蟄自笑癡龍蟄未翻

讀之可爲感泣

八月十七夜坐月二首

萬、蟲、聲、裏、惜、閒、年、溪、水、淪、漣、較、輞、川、露、定、烏、棲、深、苑、樹、村、明、
犬、吠、小、池、烟、天、河、映、屋、今、相、避、人、影、叅、花、各、自、憐、何、處、一、聲、
新、過、雁、又、傳、秋、恨、戍、樓、邊

風、雨、前、宵、百、恨、生、霜、輪、孤、上、愜、初、更、短、籬、鐘、度、皆、秋、氣、遠、浦、
漁、多、見、夜、晴、步、入、野、杭、香、在、水、坐、分、檐、露、溼、無、聲、強、眠、不、覺、
移、殘、漏、夢、後、紛、紛、尚、月、明

二作想見清機

小雪日送嚴元開高晦如

別、子、歸、同、小、雪、天、天、風、吹、雁、下、江、烟、梅、花、已、入、初、寒、笛、楓、葉、
多、依、向、夕、船、乍、返、客、星、嚴、瀨、釣、却、思、人、日、草、堂、箋、漑、園、多、病、
添、離、怨、聽、徹、疎、春、夜、未、眠

用人用事俱覺情深

林居得巨源同等公湖上詩因憶春霽訪等公泰定寺

便過龍沙問海公病遂有此作

尋、師、策、杖、踏、春、泥、門、外、羣、峰、亂、綠、西、定、水、沙、邊、分、鳥、跡、維、摩、
榻、畔、聽、鶯、啼、禪、心、叅、後、依、獅、座、幽、夢、燈、前、過、虎、谿、妒、殺、榆、墩、
狂、客、伴、落、花、風、動、草、香、齊

送陳元水兼懷宛陵諸子

十、年、門、巷、共、君、詩、愁、向、春、城、惜、路、岐、小、閣、燕、來、深、雨、後、全、村、
鳩、滿、曉、風、時、行、纔、一、劍、先、生、伴、坐、冷、千、花、少、婦、思、已、念、舊、遊、
還、送、客、梨、雲、今、夜、夢、淒、其

清明

坐、殘、芳、艸、閉、門、烟、人、惜、春、寒、午、未、眠、柳、弱、漸、垂、分、火、後、餒、香、

又試落花前田翁畊罷迷金盃鳩婦啼多亂紙錢歲歲斷魂
應此際杜鵑陌上雨餘天

真晚唐

同劉無譽家兄孟和步漑園作

園種蓬蒿徑未成爲貪清思踏莎行柳多傍水枝頽亞竹愛
新籬籜漸萌歸犢隨烟成暮色啼鳩知雨作春聲鹿門他日
誰隣近呼取閒鷗澤畔盟

蘊藉處不易到

賢士湖庄居見巢燕作

好與會

湖邊鷗鳥自相親燕子低飛亦傍人帶雨歸來噴未了夢花
醒後語難真主依貧戶安巢穩野拾餘糧教子勤命薄不如
王謝壘香泥簾幙護殘春

劉師貞訃至二首

野設帷堂哭未休河山真氣爲君收五朝諫草悲龍種滿壁

滄洲失虎頭白骨禪觀知久定文鴛婦塚或相求年來天上

修文事探籍人間只姓劉

指士雲

與君十月別清霜月峽哀猿兩斷腸

是時子女阿

茶熟尚思

談韻冷篋開猶擁墨痕香文章力大人難住仙佛緣多死不

妨萬點蕭園春樹發誰攜松子伴殘陽

師貞嘗言春二月

開萬花照水色如胭脂嘗袖松子升許孤坐
古石上日暮始歸心魂如在赤城霞氣中也
貞余小星未易得兩君乃真晉人也誰攜松子句意俱欠
雅欠老

孟春二十一日放生會呈半公等公

同錢沃心司理黃
像之藩幕戴初士

劉西佩陳士業王于一
吳用脩君徽家弟起先

山氣霾雲日有端試將空色雨餘看沙邊祗樹逢開士座上

沾花現宰官初地魚蝦知水樂傍人鷗鷺覺天寬江湖此際
規羣動不似人間行路難
別感

送楊伯祥太史冊封蜀藩

錦水開藩壯本支芙蓉城下御書馳關西夫子初乘傳蜀國
秀逸不○是謝○茂○秦○幸○也○書生盡問奇兵火人思河內節山川和遍杜陵詩相逢共話
題橋事故國風流已在斯
結和弱

孺子祠

舊宅曾聞傍水濱祠堂古岸照嶙峋五陵樹已迷狐兔一榻
香猶薦藻蘋意氣何人傾赤社英雄滿地兆黃巾當年龍戰
終多事千古冥鴻屬外臣
自負

急雨坐文成祠拂軒憶丁時之楚游

落花寂寂點香泥欄靜風危却倒吹瓦覺瀾飛驚亂馬樹兼
雷動時寒鴟天連細草思歸驛人暗荒臺坐古祠春伴主人
湘水去蒼梧雲起或題詩
結老氣

聞熊雪堂破賊淝水志喜

未因車笠歎悲涼好夢隨君墨綬香四履山河周社稷千門
桑柘漢循良恩深帝里歸鴻雁人倚天威靜虎狼因汝漫評
前代史汾陽應自笑睢陽
亦是

曉渡章江

幾年不聽渡江聲鷗散寒流復問程西度波橫紆棹力北來
風老怯游情霜痕半落洲邊樹雲氣遙添水畔城望斷千林
初日影不勞遠寺報鐘晴
雲氣句真景如畫

穀日同子強子美士業吉人伯甘過僕家樓便趨龍沙

水操亭節延閣暮歸

○二○語○薄○厚○集○中○所○少○

尋春江畔醉春回雲濕高沙並雨來
兵氣漸銷新日月城陰欲變舊蒿萊
千村綠樹分行袖百里青山上野臺
歸興忽隨鴉陣起小樓詩思晚相催

猶是太平氣象

湖上亭落成奉和李少文先生應教

四首選一

郭外西山郭裡湖郎官西子鬪相呼
未殘草色前朝地盡發蓮香昨夜洿
繚白縈青春岸影淺黃深碧晚村圖
昇平自足清遊好向夕吹笙接曉鳥

起句為南州生色

送舉主方伯朱無易先生入覲二首

紫薇樓畔領孤清劍佩今趨五鳳城
屏翰城中高大嶽賤貧

車下愧門生裝微只有詩囊滿世亂應懷諫草行
遙向梅花旌節去商鹽天上待和羹

徐穉亭邊臥綠漪獨將磨鏡照蛾眉
貧惟冷月庭花守恩及春風野草吹冀北
敢思千里價墻東今有一人知子雲宅與相如
傅媿積天西父與師

先君宦蜀先生成都人

沈著勝嶽歸集中

初冬劉翊之自誠敬叔文饒克讓協于西京見枉
小院藜床夢自溫偶逢嘉客又開門
閒商春後栽花譜步歷霜前細草痕
雁起平沙知遠渡菊開小雪媚孤村
溪邊更散斜陽影千樹歸鴉已報昏

閒中自得非強作者

定任理篋中書出殘詩一帙傳賓湖先生草也先生從先君鄆濟兩署為余千文大學師忽睹遺篇當時作

詩時光景尚百一可念先生歿數十年先君亦往卷
中名姓已無一人在者慘然成詩淚隨言下矣

新恨重拈舊日詩。當年悲笑各成思。春風誘讀憐分菓。夜雨
彈燈記品碁。蕙草吟殘猶有字。蓼莪詠廢已多時。當年太白
樓邊事。嘆息童烏髻已絲。
當于詩外流連

莫傷賓客散平津。有子行歌已負薪。攀柏我尤驚雨露。乘箕
君復上星辰。鯉庭人老悲前事。蠹字痕深蠲舊塵。今日却如
翻汲冢。斷行遺墨總傷神。
悲切不能再讀

與黎美周徐巨源飲喻京孟瑤光昆仲三洲亭夜汎舟

于湖有作二首

共選晴湖泛綠莎。三洲亭向午餘過。詩情入韻多因柳。酒氣

分香牛雜荷。島嶼斜連疑海近。樓臺深隱覺山多。知君近訪

林逋宅。疏影梅魂較若何。
時美周來自西湖

五橋日落碎鳴蟬。晚放欄干午繫船。短袷汗餘兼有露。遠村
鐘後盡為烟。篙聲觸岸鴛鴦起。水氣籠花蛺蝶眠。歸望小檐

河鼓近泊舟。如在女牛邊。

章江寺候朱菊水先生不至二首

三十年來舊講壇。佛前花雨向秋殘。僧稀古院長松老。客拜
諸天落葉乾。相國寺餘雙碣穩。滕王閣對一江寒。遙從典廢
悲龍象。車馬尤知道路難。

獨將詩思豁郊原。寺引秋容照水痕。遙掛山圖遮遠墅。新排
雁字點孤村。年年古路蒼苔積。寂寂空庭翠竹屯。今日驅車

同仗劍西風俱為報人恩

無易先生宦楚得友夏豫章得茂先亂後僑居金陵每獎訓陳生不去口豈足比儗兩君公之憐才正未嘗少倦耳

被徵後入里門作

閒園秋冷只揮鋤似有春風引
宦書紫氣百年天子詔紅雲
四壁野人居入朝倘問公安在
未老應知壯不如最愧南隣
諸父老相呼扶杖聘君廬

幾曾公府問長林烟雨湖頭忽見尋
三世國恩廉吏子萬方
民隱聖人心虞門闕後驚新寵
梁父愁多尚舊吟知己平生
憐一飯可能肉食副朝簪
二作忠孝藹然

至文江夜與丁爰大康小范譚各賦

昭明臺畔庾公樓秋水千層照遠遊
涼月知通滙浦夢好風

又共剡溪舟譚詩客舍添寒料
酌酒鄉關亦旅愁莫歎此中
書劍冷烽烟何處慰應劉

過鄒忠介公宅訪公孫巽父升甫作

章甫當年社稷功升堂猶見古人風
墀心半折真旋馬箕尾
雖還識臥龍百世冰霜餘舊里
五朝天地賴孤忠莫憐下拜
衣冠冷沆漭山河氣未窮
題目大詩亦稱

戊寅元日

雞聲燭影報初晨朔領王正屬外臣
女愧謝家知拜父宅依
徐孺且稱隣芥菘未暖先舒甲
歲月驚春各在寅湖上不知
烽火急烟雲猶得護閒身
時肝吉有妖寇之警

香城訪李匡山御史二首

籃輿斜上石為門樓閣諸天一尊脩竹靜留仙佛氣殘花
流盡古今魂山中宰相安初地病後維摩息衆根自歎逢君
應得度經臺僧飯共朝昏魂字險
春陰隨杖宿遙峯為識空山有臥龍小燕喧餘朝禮懺殘雲
歸處暮聞鐘巖花似怪塵中客澗水須參定後容扶笑出門
驚路滑已知經月紫苔封山中詩更妙

送方密之侍尊公中丞之楚

江漢軍聲秋水汀勞勞無用惜孤亭中丞傳去熊為軾長子
師貞鯉過庭魂盡綠林天洗甲歌喧朱鷺曉揚舫磨崖好續
中興頌倚馬知君代勒銘頗覺雄渾

天界寺集黃圯孺萬松庵時桂花秋海棠盛開

同魯孺發戴敬

夫徐道潔金天駟冲玄合章方爾止
左于直子忠余澹心朱觀以從子臯

郭外輕陰喜見招淡雲疎雨並蕭蕭門前雀舞先朝樹午後
松翻昨夜潮客思共栖巖竹冷病顏羞對海棠嬌今來幸入
維摩室二豎驚秋半欲消題中故人多似亦不得不存也

南中送李小有應徵北上兼寄士業伯宗從之諸子

雙闕君先振履塵江湖獨滯遠遊身黃花曉驛熏離酸綠水
秋汀照美人刀劍滿天羈吊伐衣冠就日總情親安危憑仗
封侯骨慰我柴門古巷貧

金陵九日喜舒成之自淮揚至汪辰初吳天行攜具夜

過談雨花臺都人登高甚盛悵然有作

黃花何處折烏巾他席他鄉見所親淮海風霜今夕酒龍沙

兄弟隔年人三山燭燼聞孤雁九月江空到白蘋莫問明年誰更健茱萸方對病中身

顏庭生沈眉生省余病金陵邸中感賦各二首

何人命駕能千里。單舫君常慰我思。十月烟霜淮水步。昔年風雪海公祠。憂多共灑明時淚。病久應添昨夜絲。相對天涯愁又別。燈前尊酒夜何其。

耻同兒女泣牛衣。痛哭君前抗疏歸。九廟鼓鐘依慷慨。百年

逢掖讓風徽。唾壺欲盡因時亂。蓬鬢相憐各遁肥。聞汝南漪

方築室肯容偕。臥北山薇。時君生方伏闕上書北歸

蔡大美聞余病客長干亦以病不果來馳訊却酬

桃葉清霜憶所親。十年長是寄書頻。酒淹紅燭當時寺。衣只

青衫舊日塵。同病更憐羈客思。長貧俱愧宦游身。敬亭山色

應如昨。不似閒愁兩處新。可感

南歸聞里中少年有傳余惡耗者戲成

夢依北闕負青山。又向天涯病掩關。市虎驚人成死別。墻烏懊婦入愁顏。投湘豈為招魂復。泛海應逢子厚還。自笑此身非謫籍。那能容易棄人間。高

壽劉大庸都諫五十

偶隨春酒一登堂。環珮猶沾內賜香。疏上紅稜迴鳳輦。威寒青瑣淨貂璫。中朝論舊名如日。聖主知公髮未霜。從此南山歌闕下。東風好醉百花莊。如此壽詩亦不可廢

將至池州懷劉伯宗及令嗣在公幼濟

春水初生別艸堂故人家憶在池陽臥龍聖主勤三顧雛鳳
清時見二方地近欲隨鴻雁到音稀時覺鯉魚香天風好與
王郎便蚤趁輕帆就墨莊

丹徒道中晚泊

北固山邊布帽斜人隨返照泊天涯。飛花不改春前路。野雀
爭還月裡家。城郭斷雲橫薄暮。帆檣過雨著明霞。傷時忽問
前朝事。依舊湖平岸帶沙。
著字好

同諸子泛舟至平山堂酌大明寺第五泉暮歸二首

共泛輕舟綠樹灣。遙從北郭問平山。烟雲似挾川原動。魚鳥
俱親水石閒。細品名泉供草坐。偶尋遺碣識苔斑。醉翁行處
殘陽古。多少游人日往還。

滿路烟光盡日私。萬荷香軟席前卮。青樓未醒樊川夢。東閣
仍驕水部詩。山色捲簾溪不斷。雲陰到樹鳥先知。雷塘吊罷
歸來晚。燈火揚州又一時。
結句可解不可解處佳

徵君七言律多至數百首刪之存七十餘首猶未能過持
風格蓋以情緒綢繆詞旨悽惋令人想見其平生有不忍
釋者始覺七言律不惟作者難選者亦甚難也

五言絕

團扇郎三首

團扇復團扇。皎皎霜與雪。耀儂桃李顏。相撩復相悅。
截竹為團扇。瀲灩湘波紋。搖扇共儂語。風漾葡萄裙。
郎持手中扇。團團似秋月。顛顛那復知。含羞待郎說。

友夏擬讀曲歌殊落習氣此則醇雅極矣何必方言里語
乃稱哉

落花

花狂不解惜亂舞小庭中呼童莫輕掃片片是春風

悼梅二首

梅踞堂外余田居詩所謂墻邊古梅立老槐依其根者是也墻臨大道每開時攀折殆盡今薪矣作絕句悼之

可惜梅花盡淒淒怨古苔東風門外至誰復寄春迴警句記得年年雪花開舊滿園身殘猶作焰終報主人恩

辭世口占四首

半世殘書裡關門坐小樓虞卿是何物不了著書愁負米羞親養披裘負聖朝百年蕉鹿夢今日得逍遙窮通真偶爾來去亦翛然我愛裴中令虛空不碍禪

淮海羈魂立飄搖望故鄉月明騎雀返不是顧遼陽

詞人如此大自在者絕少

七言絕

無題

數過西隣宋玉家纖腰學柳傍人斜韶顏自映朝霞色落盡春林萬樹花寫得艷極正是立馬迴舟一派深遠

邊詞二首

聞說沙場日易黃涼州一曲淚千行登樓忽見門前樹記得春風繫驕驕繡被香熏夢半溫夢迎夫婿出前門醒來驚喜還雙淚怕是遼陽月下魂

除日戲爲女阿瀉書扇
道蘊爐頭語笑多晴無柳絮下庭柯東風明日歸團扇與寫
宜春七字歌

別平叔後作

小院匡床晝掩扉晴洲芳艸夢微微傷心何事關春夢昨日
江邊送客歸

戲代友人別詩

五月江邊綠水渾別君羅帕惜餘溫城門自下歲蕤鎖不鎖
相思夢裡魂

觀別

芙蓉無態颭寒波只爲空江別怨多欲識滿汀離別意亂烟

絲雨柰卿何

妙絕

遣阿涓乳媪歸二首

勞爾霜縑送爾畿酸風作雨淚同吹城南一塊荒涼土地下
寧無索乳時

浪逐東風一度花曉光記上碧窓紗匡床小腕銀鈴動抱乳
聲聲喚阿爺

慘極欲淚二絕視東坡任氏誌又一可傳

丙子五日悼余姬四絕

今古誰傳續命絲魂如輕絮剪春枝去年尚憶晴窓曉艾影
搖身獨畫眉

五月南風薤露侵虛貪結子望成陰階前悔種宜男草忽見
花開淚不禁

姬以產殂

湖波漲滿淚同分人似鴛央乍失羣只恐新魂招不得九歌
聲裏哭湘君

鏡中遺照墓中身欲薦菖蒲淚滿巾歲歲端陽今日酒華家

塘下濕香塵華家塘姬葬處也

葬余氏姬四首

始信傷心不解愁高墳突起草修修可憐前夕鴛央伴零亂
城南土一丘

玉簫無分再生緣樊素從茲別樂天青草瀾瀾燐火亂孤魂
今夜泣荒烟

馬鬣新封古道邊今生久矣宿生緣重來莫更依貧士悞落
釵荆十八年那得不淚所感多矣

四野酸風鬼火吹千秋長恨別墳時叮嚀地下眠應好淚盡
重泉知未知

丙子述懷十六首

月落秋園照苦顏九回上策又空還堪憐同輩俱頭白半瀾
朝簪半掩關

村墟漏斷月初沉孤枕平生未了心往事千端難復省西風
今夜已難禁

兒病姬亡梅雨天嬌花已墮蚤春前柔腸寸盡人間世半歲
晴陰走墓田春王二日女阿涓殤四月喪余姬時耕兒病疹至七月既望兒復殤

湯餅筵頭菊映卮兒殤又是蚤秋比今年菊映今年淚束罷
殘書欲付誰

九月涼秋野草枯，愁人怕讀李陵書。中原未是胡笳地，清淚無端對曉烏。

拱日扶雲望帝都，緇袍青鬢笑吾徒。不知仙枕誰家竅，半世華胥一夢無。

家國身名此夜心，憂時却憶主恩深。書生灑血今何地，只恐年來白髮侵。

貞白先生地上行，三朝只未鏟浮名。仙凡盡處應無別，九障難除亦世情。

慰兒好語望兒心，尚憶當時嘆息深。地下若能知地上，此時

懷抱更難禁。乙卯下第先夫人語不孝兒尚少富貴當自有恨予六十老矣明年先夫人歿甲子下第先君

語如先夫人余心動丙寅果先君歿兩尊人語識二十年來念之腹痛不堪再回首也

鐘鼎怡親只世榮，又虛鐘鼎誤時名。三光照眼俱兒罪，贏得

松原恨未平。

五羊城外吊師墳，墓草無因拜子孫。廿載門生看又老，西風

何處報人恩。予少辱知東官樊珠城先生今歿十四年復世絕傷之

窓篆蝸涎紙欲穿，霜風忒忒似鳴弦。漑湖病客橫孤枕，夢斷

天明只自憐。

詩卷俄然數尺餘，敲推字字憶躊躇。應知司馬歸來後，太息

當年賦子虛。

冬烘遺恨枉縱橫，天網寧須世上名。笑殺坑儒癡獨絕，不將

文字作長平。

芙蓉萬樹照晨梳，短髮蕭蕭媿不如。老圃東家堪作伴，苧衫

蓬髻帶花鋤

負薪行野不披裘失計當年在寢丘莫羨他家貴公子南隣
絲管北箜篌幾不忍讀諸作尚忍刪乎

徵辟至何非鳴明府親持羊酒勸駕戲占

陛下弓旌遍八荒都從衰晚笑羲皇南州幸有陳蕃在猶向
湖南見餼羊

壽陳伯璣母姚夫人

麻姑自是神仙宅釀取神功壓小槽南嶽夫人原有子尊前
看擁鳳皇毛

為李小有題楊龍友畫冊

樹外晴川艸舍孤千峯溪處亂雲扶楊家玄閣君家谷都人

烟巒作畫圖

雅調

贈劉翁仁軒

翁濟寧人丁丑除夕造廬來謁道先太守刺濟上時德政
縷縷具言甲午大禘先太守招集流亡萬家復業悉爲了
諸逋賦翁家與焉語城南生祠香火如故相對泣下因口
占三絕句送之

翁過刺史舊柴門淚說蠲租昔日恩四十年來車馬地郭前
棠樹幾株存

任城今古舊風流杜甫南池李白樓憑說城南祠屋在知章

畱得鑑湖秋賀監昔守任城

門餘松菊甌餘塵道上相逢愧負薪風木怕逢新歲月傷心

肝而脯而能談黃帝堯舜禹湯之事古有盜曰顏涿聚橫行
 梁父而能學於孔子今茲之盜乃殺文士耆爾殺又最慘又
 非不得貨財而後殺嗟夫盜亦不古若哉於是余為五言律
 七首寄左嚴以識其變左嚴哭余亦哭已左嚴手耆爾詩一
 卷題曰不已數語極肖耆爾之詩耆爾實足以當此故余不
 中副車天地震動如張遠被甲持戟大呼衝孫權之壘左右
 麾突當者人馬辟易如李愬率山南奇材銳士冒風雪絕洄
 曲道夜半入懸瓠城如禰衡脫故衣着牢衿單絞搗漁陽而
 前躡駁脚足容態不常有才若此而盜殺之于俄頃然則余
 以怪異之尤甚當之不誣矣語有之吾見其進未見其止葛
 爾七尺飄蕩於夢幻電露中死固其恒死亦何恨獨惜以非

常才而竟使其著作不能成牛腰之束讀書不能至等身之
 富胸臆約結不能備其父子激昂于風雨晦明于載徘徊固
 有涕泗霑襟弗容自己者吾知後世之痛又不在于筆瓢陋
 巷之子矣

天壤奇文

王阮亭古去予亭雜錄也少年才人負奇文折
 有雲間夏完淳存古故吏郭瑗公允蔡之子十
 七歲著大哀賦不減庾子山世多傳之豫章穆
 祖功者尔著浙江提學博卷元寬之子詩甚
 奇嗟言不可一也六十七歲江自死於盜先是時
 吁嗟一為不數日遂死若識然其詩云南峰陳

伯遠允衡取受遺集入以建社建師士業宏恢
序之六奇

[Faded handwritten text, likely bleed-through from the reverse side of the page]

自序

昔人所稱三不朽者立言居未假使元氣流薄事勢相軋今
人不及古人之材糠覈不登肉食之座上策中策無乃厯焉
于是則唯操觚伏几著書以自見耳而著書異說言志最詩
余祖寓公大去其國遷比楚丘衛人不唁是以有式微旄丘
之賦苗裔高陽必復其始故余時發其越聲行吟不巳也且
夫冠高衣博奇節無徵屈首空文則其事不得已蓋余戊子
歲始學嘲詠紀義熙之五年存長城于數字亦閱世間桑田
自遯海蜃為妖經聞歷觀因而志人物言忠孝即何讓袞鈇
筆則其道不可已或尺蠖未信鸞鳩相嚇里中謂狂市中謂
怯若是則其情又不能已不巳之正詞樂志也而其變詞則

聲

擲地作金石

憂志也。風雨如晦之後，豈能望手舞足蹈之容乎？遂乃投破囊著廁溷，自己丑徂庚寅，古風逮律，凡得若干篇。顧艸彙每屬友朋輒持去，遺無幾何，序而錄之。他時尚猶不已，遂復成嫩境編歲月以次。然余非知言者也，正所謂候蟲時鳥，不自知鳴，不自知已，亦不自知不已矣。抑冶氏為裘，詩固家事，或云子美句可驚人，多類厥祖，此無亦熟馬服書，負當陽癖，又聞宗武繼有詩才。阮兵曹貽之石斧，謂欲砍斷兩手，乃其文采，特不著。余也，循官屈宋，服有先疇，而學語伴名，曾未能及驥子。敢踵少陵材質，謏劣不可見耶？余固將夙夜學為博依，安其小伎，無似昌黎公子刺謬金根而蒙顯譏也。自詡立言實慚佩課。詮不已幾段皆不得已之苦衷也

南州黎祖功耆爾父識

序

黎耆爾世兄為博庵夫子之長公，年未二十而死於盜，良足痛矣。讀耆爾之詩而益深耆爾之痛也。昔人以李長吉為騷之苗裔，又云使其未死，稍加以理，當奴僕命騷。予謂長吉偏強千古，生不肯應進士之舉，死便未必肯赴玉樓之招，既不

能仰而系騷以苗裔，亦必不遂欲俯而屈騷於奴僕也。蓋落

落古今一長吉耳。以耆爾之才，生今之世，當何以置耆爾者？世塵濁矣，而耆爾之腸獨秀，世腥腐矣，而耆爾之胸獨奇。世

姝媛潦倒矣，而耆爾之思獨深靜簡遠。割愁於海上羣峰，破

涕于一江春水。昔浣花老人老矣，其句僅欲使人驚。長吉年

最少，其句乃欲使天驚。夫天夢夢終古，在唐固不令長吉之

驚之。天夢夢而至於醉。在今日豈便令耆爾之驚之耶。陳士業序耆爾之詩。謂今之盜偏殺耆爾。當不如古之盜若蹠若顏涿聚。能談仁義。能學孔子。夫世風日趨。如江如河。不出其最下。不止。今人何事如古。彼其爲盜者。尚不如晚口之綠林豪客。辨識李博士于瀟瀟寒雨之中。安可進而求之上古哉。阮兵曹恐詩名又屬杜家。欲斫斷其腕。盜卽阮兵曹矣。湯若士恨不生置徐文長。自拔其舌。盜卽湯若士矣。况夫縱筆墨以發萬物之情狀。其罪甚於淫漁佃而暴天物。耆爾之瓦棺篆鼎。風檣陣馬。其爲搜剔抉摘。又何如耶。然則耆爾之年少於長吉。才又高于長吉。而死又慘于長吉。伯璣攻玄討髓。珍其詩如拱璧。不似長吉之外兒。甘心其詩于穢溷之中。故謂

今人有一宗公案。可以大勝乎古人者。則此類是也。

通家世弟西陵來集之題

不已集選

詩七十五首

豫章

黎祖功者爾

著

舅

劉元釗遠公

定

友

陳允衡伯璣

評

雜體

集凡三百五十一首

歷閱

選七十五首
選四十一首

庭下有木奴枝葉不苟同枳柑限一淮君子勵厥工留侯椎
博浪績敗名無窮李斯頌秦德五刑何冤忠所學審所擇清
塵播蒼穹。

蕭蕭白楊道古墓遯乾坤云是昔王骨千載王茲村田橫詎
北面左右容嚴魂幸鮮犁且耕長歎豈勝言征西非本心裏

華將無冤

非說伏波似悲亂者

有為如泡影。安羨曷足師。十洲蹟荒唐。九還德下衰。盡形絕
營役。且暮庶遇之。穢囊容足盼。旋復胎神奇。優游勿茲外。壽
命靡等期。所謂不食人間烟火

豎儒溺於僻。騷雅與為稽。小學裘習冶。大巧為劣輒。夏木坼
雷雨。夕閣混煙蜺。冥搜蛻滓淖。豪倡塗介珪。隱几抑矯首。鶴
鶴唳東西。

古懷

三十一首
選十首

求名誠實實。之人胡陸陸。不覩文侯駕。得非段干木。寤歌永
弗諼。獨寐神無辱。思貧回屢空。服膺傲夜夙。
塵埃東海積。烽燧西山交。赤虹亘旗旆。蒼崖聳鏑箭。鄰鄰車

馬曳淵淵鉦鼓。以此摧勅敵。披靡猶草莽。街石填溟渤。秉
鐸驅函嶠。王業大墮崇。伯義勤問包。中興提一曉。斯民恬四
郊。我杖兩龍劍。儻助斬鯨蛟。胡為乎局促。括囊策坤爻。螳怒
抗轍軼。獸散失穴巢。旄頭光未墜。歷陽化將殺。罪辜或有無。
施施雉離茅。首事竟亡秦。勝廣尚勿嘲。
曲逆餐糠覈。高陽沈酒徒。方其羸秦日。碑兀何駘駘。一旦擢
蒿萊。奇論綴須臾。相知貴知心。知心世則無。睠顧投縞帶。九
原可招呼。

吾傷荀文若。紘紘多失謀。素王諱河陽。挾上令諸侯。覆車誘
後誠。空器悵前脩。孔明起草廬。偏安得存劉。漢賊不兩立。燁
炳播千秋。

元亮爲餓民孤竹實軌範人爵匪早縻國祚矧卒斬遠逝以
自疏。拳裳豈可操汗留義熙青節表匡廬黠我年如阿舒昇
筍若爲感。

敬仲豈不智迷途師老馬。芻蕘誦嘉謀。聖懿故弗舍。嗟嗟彼
何人。虛憍恃莫下。奇士志靡伸。於悒血厭野。事會應無極。于
以箴來者。有心人也。乃是妙齒使君在庶幾。又一公瑾乎。

鴛鴦遊水中。翡翠棲木上。惟有彼大鵬。風雲爲吾黨。所悲時
不來。心乎猶遐想。物無舉身能。神龍在羅網。

淮陰無兼勇。愚蚩畜以俳。云何釣城下。漂母特相哀。遐邈今
不覩。陵遲古益頽。寥閔夜聲曠。猛厲秋氣摧。狂舞復浩歌。荒
雞已喈喈。士爲知己死。滅沒窘塵埃。哀字下得是。

乾鵲噪我屋。三年絕人迹。竭來有車馬。千里勞所適。茂木鳥
斯親。枯池鮒獨迫。日光及襁褓。自顧少華澤。如何滿中懷。高
賢歆古昔。清芬自不昧。外物何損益。襟期固別却從學問
中來若只疎狂應愧

孫登矣

碭山雲欲上。滴池壁未還。戰爭相紛拏。白骨霜艸管。皓然彼
四翁。采芝在商顏。而我罹險屯。遐風邈莫攀。高人跡雖絕。同
類意相關。豈無能仁者。雙眼著塵寰。

賦得老樹空庭得五首 選二

木壽宜於散。喧囂地未通。窗風傳細葉。牆日下孤叢。禽語暮
能靜。草閒春自窮。蹊邊桃與李。所置或爲同。
橋枰猜隱逸。槐土厭朝廷。何似閒門寂。偏收古幹青。雲來隨

俯仰月往伴伶仃應笑材為患堯階幾莢莢

水漲三首

選

環繞孤村湛湛波扁舟若箇蕩亡何蘆中漁父他時別水上
離騷盡日哦皂帽久拋惟散髮青精一飽又行窩且看洗耳
流無恙巢許幽心特地多

丁景呂枉過有作次和

得句似玄暉驚人氣欲飛足音雙齒屐舌戰幾重圍好古心
如結悲窮涕在衣尚能同拜倒望帝可魂歸

春日即事

沉酒銷他日開春讀我書敷天安短髮何地曳長裾魂返疑
兵艸情深過雨蔬鞦韆猶有意調舌在山租

數詩

一劍猶蒯緱浩歌悲永夜二蟲昧風雲大鵬以為嚇三表策
何奇長纓如獲借四海今烽烟衣冠不相貴五穀窮飯牛淮
陰辱出胯六博娛白日梟盧呼聲咤七雄黜張蘇舌在口乃
吳八風他日扇玉燭當時化九九厄既回登成術陋霸十年
貞不字連城終待價 雄氣不可逼視

清明三首

深愁相逼到清明。暫可扶藜往聽鶯。故里空邨春未老。前溪
昨夜水初生。
賸得人家有紙灰。長平坑卒若為哀。玉隆鐵樹迷風雨。魂氣
千招不可回。

可羞神勇遜荆卿。勉旃忍小耻。氣力非性情。睚眦聊不報。舌在足縱橫。

贈王四子展四首 選二

有客杖老藤。剝啄起我臥。自揮壁間琴。曠音寡所和。古樹多北風。落葉來入坐。持酒目遠音共勗。西山餓哭死。詎為已悲來。或有詩與君。各長吟。雞鳴夜雨時。雞鳴非惡聲。中原空緬思。蒯緱畱一劍。彈之將何之。

金之意

筆力甚空濶。正有惜墨如

贈熊友

惟有能文者。偏憐失路人。示余顏色古。識子性情真。隴上龍高臥。階前鶴自親。相看慚靖節。漉酒各無巾。

辛卯元日試筆

黃冠欲老故鄉人。青艸爭遲大谷春。遂有古今看出若為南北轉。風輪愁深嶺上梅花弄。感繫年時柏葉巡。招隱不來誰氏子。居然五柳負前身。

讀鶴臺熊先生近藁

冉冉北山竹。北風吹不實。威鳳巢其顛。無食饑乃必。君子貞素心。白雲常闔筆。竭來何所之。啄啄靜者室。索酒脫葛巾。揮塵復捫蝨。劍珥命童子。教誨少詫叱。男兒生中國。桑下覓梨栗。風雨雜雞鳴。何修業可卒。我欲千載公。名與山翠嶺。令名終無毀。高懷多疾疾。稊稗穰滿篝。隕霜殺稻秫。浮雲乃有眼。不敢指白日。吁嗟僕僕子。胡為近鉄鑽。松柏命自天。保節勗

好學深思之言

眼光不小

如一

奉常熊山集矜貴之甚生平數千篇僅傳百餘首方駕古人者可挽一時灾梨之風

次韻正秋師元日二首

對酒響長劍當歌來大風天看猶只尺路泣故西東煙雨花
開落乾坤髮異同耗磨行復到未送昔年窮

響字來字猶字故字詩人佳處

天地由庚未陰陽甲子休甘人橫猛虎老我臥瓜牛問道焚

餘礫驚心野外萑武陵何處是乾淨蓼花洲

南昌十洲多可卜宅蓼其一也

辛卯元日二首

熊悅

閏位入三宮餘氛轉庶風座星高極北斗象緩行東歲月官儀別江山曙色同椒囊空四字寧我獨詩窮卿華歌復旦帝念釋離休麗日徒雞犬長風及馬牛辛盤供嶺海甲令賦瓜萑運會年光共飄飄度十洲

正秋有此四語便可不朽急傳之後未遇行

悽悽復悽悽馬懷而路迷蹭蹬何所適張目失端倪閭里競
相誹汝將老塗泥胡爲乎南北東西君不見五穀秦贖百里
奚又不見折脇之子報魏齊倏忽舉牛口伊誰贈一綈蘇公
室中少勃溪張子有古畱示妻蚩蚩疏遠排且擠狂生此日
敢笑啼醉臥春艸摩其臍桃花夕陽起雌蜺歸來匣中千年
瘦劍鳴如雞

錯落處佳

夢中得四句既覺爲足後二韻

東家食肉西家宿富貴揚州神仙鶴外物非我蟬載蛻小人
欲得蚶吞鹿得已復失笑復哭上蔡相君夷三族獨憐壠上
高臥人大塊不敢加桎梏

焚筆爲劉開生師作

三日秦人火。千年管氏城。學書勞項籍。擊劍去荆卿。灰死猶多事。薪傳獨令名。寂寥風雨夜。花向夢中清。

無題二首

美人自南來。秀色一何靜。粲粲合歡花。好月惜落影。美人顧我笑。遺我青青蘭。蘭花無早枯。狂風吹汝寒。

耳病

上帝憐有罪。不加劓且黥。驅鬼負土石。築耳堅如城。穴中糧無春。蟲饑而長號。自鬪復若牛。鼓礮錯磨刀。蠻觸爭未已。鬼圍疲亦去。泱水洗蕪城。晉陽故如故。多事笑許由。洗耳爲九州。
是言城陷事

千金子

千金不得散。瑣細成埃塵。固緘避胠篋。嚴板良苦辛。囊中豈有詩。牀上書亦貧。驚座者誰子。面覲心乃瞋。老天好作弄。莽生倒置民。彼愚余匪嗟。嗟哉晉季倫。
令渠難堪

後上征行

白日欲落青天高。天門夜叉夜舞刀。黎子罷讀大醉醪。上天打門哭且號。小臣有罪不得逃。不然胡爲我。生勞青青松柏埋。蓬蒿眼滿塵埃鼻。腥臊邑中信信。或喉癸東家。孔丘誰相褒。言讐德報以瓜桃。當日何人與綈袍。飯牛扣角非賢豪。臨組對圭不可遭。死能千鈞生若毛。願亨五鼎如豚羔。嗚呼願烹五鼎如豚羔。
夢夢中不可少此一哭

僕有鳩茲之役。正秋師贈以言次韻奉和

無騶京兆再來黎。畫似張郎為彼其。蘿女施于書帶艸。槎仙
流到影娥池。若為行雨重陽近。詎有悲秋此夜時。不巳荒雞
催飲。曙翦殘膏燭。試牽帷。

慶者爾秋赴蕪湖嘉禮
霏霏艸綠藉懸黎吉席遙瞻世濟其巷口衣聯烏鵲清樓
頭管人鳳凰池月窺談詠登牀處花報芙蓉對鏡時京兆
早看經術胤房中博義傍星帷彼其濟其俱覺未妙何
苦用此有歇後絕妙者然鄭五之後正不可再耳

迴紋畱別諸友

淨色江宜夜閒光。月帶秋性情魚得化。還往雁如遊。

秋帶月光閒夜宜江色淨更妙

七月十日七首

母氏泣我別弟妹。牽我衣我行艸樹秋。東風與雁歸。

僕夫肩不息。勞人亦鮮居。莽莽百里道。荒荒秋日初。
短衣不肯錦。長足胡夜行。荒雞忽亂叫。慘澹故里情。
飄風送遠磬。下車入古寺。蒲座起老僧。藁履揖客子。
兩耳淨若洗。桔槔聲水聲。寧如春田蛙。雜亂學簫笙。
秋清入蓮骨。潛之在淺澤。多端躑躅花。山頭好顏色。
馬不可使耕。牛不可使馳。小人不自立。丈夫故有宜。

入城

舍蓄甚古

彼妹者誰子。目我謂我好。我為海上仙。雲霧蓬萊島。金母不
我知。奪我不死草。拂衣人間去。騎鶴豫章道。風塵畱容顏。天
地失懷抱。美人能相憐。粲然慰心稿。鳴琴如我諧。攜手與子
老。不貧冠玉人。大笑曲逆嫂。自是再來人。

王家度 有序

宸濠敗焉濠成禽歎曰紂用婦言而亡我不用婦言而亡
 初濠妃婁數止濠母反弗聽及敗婁自沈死
 燕臺有怒風吹暗欲落日丹井怪物憑為之發咤叱長江塹
 難鋤墮井遂不出流水如太息有客一笑啞言毋踰閫然謀
 詎告后必允頹哲婦城爰毀他年室汝昧疇汝咨汝聆試汝
 詰賢俠靡汝遊婺麗唯汝暱暨戰潰胃戟厥辜肇鈿相虞今
 以敗項蒼蒼無得失 宸濠只可謂之怪物

髻山

我頸不屈如老鶴我髮已前如禿鶴汝獨何為縮青髻簪笄
 幻作女子妝我識汝面不燕支我媿汝心猶首陽窮愁亦有

三千丈髻乎髻乎汝短長

讀賢書二首

白日閒羈旅青雲點友朋千金新得驥六翮老如鷹天地雪
 霜笠江湖風雨燈蕭條君不問潦倒我猶能
 阮籍途方哭陶潛柳不春苦吟如蟋蟀開眼是麒麟氣色遭
 前輩聲音識旅人西風吹欲死白面帶埃塵 純是衣服之意

洞庭行

洞庭水鬪風怒號水中老螭髻如刀有龍為臣蛇為帝螭謂
 龍昆謂蛇弟何為起陸天發機龍戰不勝蛇戰肥老螭大怒
 有是非中國男子黎耆爾攀龍無鱗飛不起一劍鉅于澹臺
 氏蛟似江長則其耳拔劍大澤斬巨蛇與龍當角螭當牙柯

庭波平可以閒魚蝦

奇人奇人

欲歸

西風吹起欲歸心碎向天邊急暮砧籬下黃華無恙在相思
元亮若為吟 一句一轉自覺情至

題內父扁舟江上圖三首

螭蛟駭而竄蝦鼈餓以泣兩水鬪不已高岸化為隰江上之
丈人風波慎出入煙輕高下舸雨重側正笠相逢越鴟夷干
秋一長揖

魯連去東海不帝無道秦嚴陵老釣瀨而友白水真千古日
月光二子乾坤身隨流不知歸咄嗟木偶人
漭漭大四海不可以陸沈客擊祖逖楫我知劉琨心悠悠者

江水或為南北之天地自古今逝者故若斯聖人有慨歎鷗
鳥無猜疑鷗鳥爾無猜投爾洗心詩

泗上

泗上亭長字劉季頭上爛熳雲五彩丈夫亦復當如此手提
一劍決四海嗟爾丈夫可橫行誰能有脚不如蟹

為陳丈伯璣三十雙壽二首

天地三十年悠悠君日壯雙眼著人代萬里走波浪老聃老

殷周先生已可王且復殊官隱柱下劣江上

潔矣於陵子多乎又有妻偕隱曰偕老牛衣慎勿帝明哲有
子孫日月無端倪長跼壽一卮短歌人氏黎

次韻答黎耆爾

吾生誠有涯自少忽而壯緬彼作楫人觸此彌天浪魯連

陳允衡

無所取。蹈海氣獨玉。俯仰不足營。靜觀百代上。
遼東亦有友。鹿門亦有妻。與子但爾爾。途窮罷號啼。高歌
拂流雲。上下無端倪。爲龍愧東野。子倘是出黎。

別丁介芝前輩

人民城郭故自然。是非分別有神仙。霜冷只欺眼前草。天晴
不變頭上氈。綺園豈無能致者。丘壑聊爾卜終焉。相思夢中
路可識。風送千里艇子便。

長歌別沈崑銅前輩

止君酒罷君琴擊。我缶聽我吟。君有眼不可淚。我有鼻不可
涕。涕淚雖多如心苦。何有馬有馬戴兩角。以角作戟與虎搏。
虎不能勝死。馬化爲龍子。梟鳴樹上。鳳聞而惡之。梟言非我
鳴。乃是鸚鵡兒。鸚鵡鸚鵡啄食其肉。鳳不徙梟。又食梟以粟。

天上兩星一闇一明。蝦蟆張口吞月而走。上帝大怒。令雷與
電逐蝦蟆。逐蝦蟆不得。殺月中蟾。罪伊何。萬物故紛紜。君無
長嘆嗟。我謂君眼淚如江。不如閉眼眠高窗。
大有離騷之意

呈別內父

侶著魚蝦且送迎。相尋夜雀曉猿盈。樹讓堂後存顏色。操艇
江邊失性情。便不及春雙目極。能忘在玉片心清。無端離別
因爲恨。賦就江淹筆有聲。

送黎耆爾婿歸和雷別韻
才名到處有逢迎。老我飄搖得締盟。灑酒殷勤傳別賦。傲
裝徙倚動歸情。岸梅欲放人同遠。江雪初融夢亦清。舉目
河山空悵望。難銷詠史扣舷聲。

苦吟

輕航能載筆風水。欲同吟苦吟。唯五言突兀。天地心嗟余不

事事奔走謝日月九尺是長人幾莖羞短髮大笑臨大江氣
高殊未降詩成贈所知誰乎白鷗雙

于嗟乎行

山何不攢峰爲刃以絕我項天何不落玉作棺以封我尸區
區姓字人不知面目塵土何所爲于嗟乎魯連好個儻曹公
無威儀官如小儒翩翩衣裳學仲尼嚙我筆燔我詩手中長
攜三尺兒誰搏白赤兩丸泥妖雞驚起夜亂啼神鬼駭駭得
志天地悲

此詩似識非久者爾暴死長吉以後一人也者
爾少年而憂憤填胸似又高于長吉矣

劉文敬叔晚辭三首

有序

維文之生英靈特降于河嶽暨文之死冰雪遂還于藐姑
頗憶其言滿一家宜分素臣之席曷爲乎朋無三壽竟棄

黃綺之芝如功蓋里中所謂狂生遇文則門外廼有長者
曰孺子可教矣曾受編書之幾何時令蹇修結言兮遽解
佩纓而去此地伯鸞之春聲漸遠季札之劍許需歸詎是
相思江湖一雙之鯉未上誰爲不已風雨半夜之雞非祥
富貴壽皆不可知忙走有脚之白日形影神自相與弔平
看無眼之蒼天鳥歌良人麟臥高冢香敢歸以一瓣魂幸
返于三閭其辭曰

不見柴桑老驚聞薤露歌文章如鈇鉞疾病等兵戈天已摧
梁木人爲廢蓼莪溪堂無遜處寂寞向山河
流水高山杳琴鳴子復聾形勞大塊裏影落少微中襁褓完
生死松楸急雨風下車無腹痛他日拜喬公

奪我康成速。明年歲在辰。鵲鴿原上草。鵬鳥賦中人。詩老劉公幹。耕窮鄭子真。青芻惟一束。持芻古今身。

天不令我飛行

天不令我飛。騎星過不周。地不隨我走。江海皆逆流。一食百炙肉。犬豕馬羊牛。一臥千侍女。盛鬢而明眸。如是三十年。吾甘餌蚍蜉。令名何足存。竊盜得王侯。賢聖多窘束。化作荒岡。體執鞭營富貴。無學孔與周。尚復能省記。九世褒復讐。

序

余自十許歲即與小星為忘年交。小星頻游吉州。又與余同客鴛湖。余每至會城。未嘗不先請小星。風雨晦明。悲懽感嘆。雅謔微吟。種種情況。迄今如在目前。乃小星稱古人已十年矣。有子遐周。龍攄皆好學。方聞能世其業。而遇合待年。食貧莫支。余苟延視息。奔走飄零。未能有所著述。為亡友一發幽光。今乃得陳子伯璣。裒集小星及萬茂先遺稿而行之。余讀之不禁愴然涕泗也。夫世所稱年少負才。終身力學。沉酣經史。出入風雅。孰有不推吾茂先小星者乎。即其制舉。菀每出一篇。輒令洛陽紙貴。他人往往襲為嫁衣裳。而兩君顧皆以數奇不偶。終其身有才無命。可以怨矣。然讀其詩。怨而不怒。

則兩君之學問性情誠有以大過人者碣石先生謂茂先姿性載敦厚以溫柔余交小星廿年未嘗見其喜愠蓋其深靜之致曠遠之懷卽不必被以四韻而落紙出唇卽可叅陶謝之席矣抑余每論世而有感焉韓昌黎身在朝廷爲諸生師故其文多郊廟之章至于厚則播越貶所不得不借山水以寄興歐王二蘇咸執大政列侍從諫諍皆得以其文章關與國事卽至於黜辱貶徙而掀髯伸眉之概千載如生子固歎歷外郡其於內庭大故未嘗有所論列卽其隆平集數卷不過從旁紀載而已若有明大家共推荆川大僕然荆川名家蚤貴故其氣宏壯而肆達大僕持法甚嚴爲後學準繩而遲暮偃蹇不得盡意以論當世大政嗟乎豈非以其遇合或殊

歟今茂先小星皆清廟登歌明堂獻賦之選也而顧使之優游田里流連景物僅而有作焉詩益工遇益奇矣能不悲哉能不悲哉伯璣與兩君同里深相契洽其所論定又能質直深核不苟爲許可卽令兩君復生當爲下拜而李君龍沙喻君瑤光一時廉吏并損水俸以佐餼資皆古誼所難能余實媿三君甚而不能自己者惟此撫今追昔之慨聊著篇首而已

吉州同學弟康范生頓首拜撰

序

余交小星最蚤在萬曆丙辰丁巳間時小星少年如衛洗馬
渡江時玉立珠映余先一飯弟畜之自是同劉士雲鄧左之
李平叔諸子申匡社之盟記一日坐半舫齋士雲謂余兩人
曰小星可親可愛情必多悅之可敬可畏情必少余謂情與
親愛爲類然每不及情敬畏似與情相違然情之所至輒一
往而深士雲唯唯否否雖一時戲笑之言低回如昨故小星
爲詩愁來有云思觸無緒情至之語讀之如離客折柳怨婦
登樓也如寒關笳吹秋峽猿啼也令人悽惻輾轉爲之泣下
詩以道性情情不能已聖人弗禁此小星之所以爲詩也小
星逝已十餘年有友陳伯璣搜其遺稿共萬茂先詩評而傳

昔耶園集序
之伯璣之情生死無間其殆古之人與如余老不及情愧吾
亾友多矣

丁酉伏日社弟胡學浹書於大報恩寺之修藏社

昔耶園集選 詩百廿首

豫章 余正垣小星 著

李士琪龍沙 定

同里

陳允衡伯璣 評

五言古

去吉州錄別三首

昔我二十餘。落落安鄉土。顧盼出門歡。登途氣爲鼓。及此倦
遊時。方識別離苦。借問苦者誰。傷心難悉數。憶昨去京國。慈
母牽我衣。堂上三四語。脩程不能違。今年送我者。老父獨倚
扉。欲言還掩淚。汝行或恐非。母逝日以遠。子去何所歸。仰視
浮雲變。俯看階草肥。日月不我處。老去更誰依。知汝衣食計。

一心兩端持。貧賤若汝棄。別我亦何為。稍聞南嶺地。羣盜未
全廢。憂來無斷續。相見以為期。

豈無杯中酒。豈無園中柳。薄言往折之。窺園一何久。所思中
饋。人生憎疾。分手感君事。行役百歲幾。相守躊躇。勿復顧日
斜時。及酉念妾多病身。離隔為君有。

阿英過十曆。阿宜剛及旬。今春事紙筆。稍解讀書聲。我行塾
師。送二子與之俱。揖我顧我笑。使我生長吁。老大驚離別。不
似孺子愚。孺子未妨愚。汝父天一隅。何以寬母慮。何以慰祖
憂。執手莫能告。我心空悠悠。

古別離五首

春至各為歡。眾鳥方偃息。聞君今日去。賤妾腸如織。感君離

別意。四顧無顏色。使妾媚君言。欲語忽已結。斗酒化為醯。燈
火化為涅。君去日以遠。那能不悲咽。

願言少佇立。何物當君悅。展妾囊中琴。為君歌一闕。昔人重
古調。今日新聲列。未彈意先塞。手爪不能揚。高山何峩峩。流
水何洋洋。念子知音者。乃在天一方。

斷續處妙

丈夫志四方。四方道路長。路長猶自可。莫恐心相忘。君心結
於一。不願形影俱。試看菖蒲花。托生階與除。經旬不曾顧。脚
蹶見君情。男兒事勲業。賤妾愛芳名。

為君整雜佩。為君理衣裳。君行經紫陌。蔓草雜紅妝。不為君
身潔。旁人較短長。

皎皎當窗月。照妾合歡床。人生百歲內。忽如在空房。夙昔不

解寐今夕更徬徨。肯酒聊爲樂。感君不能嘗。君毋爲賤妾。手
里動悲涼。攜手上高樓。河漢一相望。願君縈占道。譬彼明星
光。

五首俱愛其無痕跡

舟中雜詩 十一首 選二

人道異苦樂。造物不能殊。物我更相妒。斯世一何愚。豈無帆
與楫。豈無盤與盂。得形已自然。達人稍不迂。日夕持美酒。此
外更何娛。

有所得

種竹十餘竿。池魚三四寸。鶯聲何交交。聊以撥我悶。丁年不
再來。歡樂以愚遜。展我所愛書。儒釋兼探討。得趣知者希。此
中令人老。溫飽慰親朋。子孫更相保。世皆愛榮名。榮名俗所
寶。

兩詩不甚佳。存之以見君之胸次。

七言古

花飛舟畔戲爲新句

誰家繡戶鎖春光。花間半下葳蕤鑰。一片愁紅辭故枝。東墻
無語魂漂泊。風姨偷送出香閨。羅幃人倦眠嬌弱。蛺蝶飛來
細解情。舟前趁逐如相約。蘭橈桂楫盪輕紋。深深見水還羞
却。露鬢風鬟憶女郎。爲報龍宮久寂寞。可憐暖浪葬殘英。妖
姿泣訴將誰托。孤蓬有客怨芳菲。對汝低徊清淚落。瞥眼汀
洲青不盡。遊絲亂處高羣雀。

可入才調集。然溫李非余所喜。若老杜麗人行自有關係。

五言律

舟中卽事二首

小艇無驚浪。行行江上春。一鷗飛跌宕。數石立逡巡。農事芟

青草人家。遶綠蘋。我來臨曲岸。野色自芳辰。

頗不著色相

倦得遺巾。柳愁唯問酒。卮數杯。殘雨後。一枕落花時。半臂加方懶。橫吹乍可怡。風絲無氣力。看看欲沾泥。

光景好味近於薄

北寺偶成二首

幽境畱餘地。閒房靜小窗。柳兼花有妒。風與日無降。坐客隨呼燕。行人怪吠龙。暫眠能適意。倚枕聽春江。

悉出老杜

清明後一日郊遊二首

為惜清明過。因之出郭行。柳殘鶯有恨。風暖燕無聲。水抱孤城曲。雲橫遠岫平。非關疏酒伴。正苦昨宵醒。

結少意態

半里如鋪錦。深黃菜着花。偶經樵子徑。却羨野人家。小塢還飛鳥。陂塘正產蛙。輕烟應弛禁。細細出村斜。

宛然古人

泛太湖

太湖凌萬頃。貪涉幾迴環。向日光逾迥。無風勢不刪。壯心悲逝水。極目小羣山。底定畱餘跡。波濤未肯閒。

起得老成稱題第四句新

寫出傾洞之意

客夜王幼房過訪共賦得歡字二首

客攜秋色至。天向雁邊寒。露濕花香瘦。波澄月影單。螢飛穿徑險。蟬叫坐風難。病減茱萸帶。凌霜卜夜歡。

單字織却可人書

又是清秋節。同君坐暮寒。疎林翻月亂。殘葉下風單。作客新愁易。論交古道難。車塵空滿目。對宇幾人歡。

三四妙絕

雪

不厭連朝雪。隨風舞絮漫。荆妻試酒暖。老母問衣單。曲徑梅
花靜。孤城雁影寒。高吟欺賈瘦。何事灞橋看。

武林送朱道微下第歸弋陽

故國無期到他鄉。又送君亂雲。春色暗殘月。夜初分。綠醕江
花映。青衫岸草薰。燕臺回首處。吾緒更紛紛。

為朱觀以悼內

好合如初日。郎娘未十年。愛深翻碍筭。慧極故疑天。星月駕
帷冷。烟花雀壠妍。鏡臺文史在。寧獨使君憐。

之

秋日蕭伯玉大行春浮園看西府海棠二首

不盡園林勝。相過薄暮天。舟移芳草岸。花發野塘邊。冷艷翻
嫌日。香魂似倚烟。使君邀皓月。長此對秋妍。
漫道天無意。應知花有神。嬌姿相映水。澹色故宜人。數朶偏
能媚。繁英豈讓春。垂絲應汝笑。粉黛為誰頻。

倚烟新而的
確

起極敲推得
題外意

舟中對雪二首

孤客多愁思。空江夜月時。却知清可愛。未是凍難支。峰冷離
青易。波虛受白遲。藏舟風似穩。幽意託艱危。
鳥聲虛野岸。人影覺依微。犯萼增梅瘦。畱花與木肥。風流孤
繡帳。浪跡媿征衣。鄉思重重晚。寒凝隔夢歸。

巧而老是能
手也

暮春有懷

深院暮春曉。花飛香徑微。高樓應結怨。蕩子未言歸。暖日窺

鸞鏡和風入絳帷。欲眠愁午夢。昨夜減腰圍。

起句便是有懷

自長水之海鹽

微雨自西來。孤舟生暮寒。薄遊倦吳越。迢遞又鹽官。客况輕波似春心。岸草殘。亂雲低暗浦。獨自怯凭欄。

落落古意

晚泊

慢櫓迎高岸。橫舟帶遠山。所經淒惻并到處。別離關鳥下如人。倦雲殘欲自刪。頻年成慣客。晚泊度危艱。

每用刪字入化徑

十四夜舟中月

問月應憐客。今宵不放圓。深閨懸與共。獨艇受還偏。影落微波動。光搖遠樹穿。多情唯賴汝。扶夢到余船。

可少此意俗客不足與語

蕭颯中往往自媚文人何

十五夜舟中月

月圓波更靜。人在洞庭船。薄露遙臨水。微雲不駐天。簾輝春避曉。花照日同妍。翻引嫦娥笑。孤舟見汝偏。

艷逸幾於徐庾

起句似有琴聲。五六極

十六夜舟中月

三月春之暮。孤舟月又殘。光寧昨夜滅。人向此宵看。解照紅花瘦。能增綠水寒。清輝飛動處。宿鳥未曾安。

意得之宋元名詞中善用詞意入詩正有妙處特詩中著不得詞家字耳

夜

久客歸心折。愁生夜坐微。簾開恣清曠。月轉淡芳菲。遠樹浮雲氣。低空靜鳥飛。含情違素手。燈下理春衣。

文士不能領略靜女深心

下筆難除腐氣

秋夜

披衣起中夜。片影入庭孤。雨度星明滅。雲將月有無。空階響落葉。深樹靜栖烏。何處笙歌度。秋光任爾殊。

晴江舟晚

水氣侵霞影。殘陽古樹稍。人家圍暮景。野色自春郊。鷺立如遲月。鴉飛欲受巢。危橋容望處。荒忽晚烟交。

秋屏閣偶成

遠樹浮青靄。樓高入紫霞。山光生萬疊。月色到千家。獨鳥橫江渡。孤舟隔岸斜。忽聞吹玉笛。殘夜落梅花。

汝水舟中有懷茂先客金陵

規撫盛唐

澤國江濤落。蕭蕭見雁飛。秋光為客好。昨夜幾人歸。酒罷憐新月。寒生識舊衣。孤蓬如此寂。翻笑遠遊非。

昨夜二字下得好可為深思

山游五首

幽澗生青草。輕風媚水紋。疊崖寒午日。絕頂盪晴雲。鳥啄殘英細。山盤古柏紆。忘機羣鹿豕。人世強為分。

三四是王季重得意語

泉瀉還能曲。林開總自妍。山危高借地。樹匝遠妨天。犢背看鴉戲。蛛絲畏蝶懸。未知勞應接。萬籟覺冷然。

竟日登山眼。經春作客心。石林團雨氣。竹塢駐雲陰。人靜溪逾響。風寧樹不侵。高歌聊激楚。何物托知音。

小花餘氣薄。老桂古香多。日色因林莽。烟光澹薜蘿。虹生殘

照亂峰逗白雲和倘是求羊在如余或許過

稍深迷出徑忽到又平岡兕吼憑風壯鳥飛向夕茫霞流千

樹紫天插衆峰蒼日下喧同伴揮戈憶魯陽

五六大家

夜

夜色收羣動惟驚逝者勞晴嵐隱霧薄孤月破雲高犬吠荒
村險鴉棲古樹牢敲聲蕉共竹切夢汝如刀

奈何有此深怨

早春送何濬流道友歸建寧

孤帆一以送寒江度早春雪殘天在楚花發地為閩作客青
囊敝求仙白髮新還將辟穀意強飯向風塵

結高甚閱世熟讀書多乃有此起句是六朝人語氣雪殘天在楚奇對句更韻揚用修何以過之

月

月滿生初暝山深入暮寒能無異鄉酒不是故園看清絕星
如沒光搖河未安百花偏惹露濕重欲成團

人想落筆俱是古人

送萬茂先之筠州兼東沈崑銅二首

失意俱為客愁余復送君憑將分雁影何處送鶯聞古道看
新月孤亭宿暮雲行行千里志白社本龍文

梁苑思公子高樓賦月明遙憐知已在不為暗投驚客路梅
花落春愁野草生有懷憑入夢風雨柰三更

二作愛其情至

壬申端陽前三日同劉西佩王于一克生九水上人泛

舟分得十三元二首

俟我方亭午移舟已上原無喧人在舫不速客攜尊魚鳥窺
歌吹山川助笑言高岡聊放步隨意到空門

好懷關雅集以暇暢高言曲水深深岸芳洲處處村天猶餘
雨脚日欲破雲根似月燈侵浪回看樹影昏

以澹逸勝

送譚耳聖再上春官

七度南宮士依然四壁貧樽前看雨雪棗色又風塵雁影章
門月鶯聲上國春花天無限媚爭識畫遊人

桃葉渡送劉阮仙歸楚二首

楚風多古怨共子對長江久客愁難慰歸心嬾未降悲歌看
字雁輦鼓散村龙舫艇圍天濶寒深護晚窓
劉郎牽別恨半是惜芳妍易下英雄淚難支阿堵錢凍雲開
雪晚香月澹梅烟忽此悲岐路瀟湘萬里天

丁丑除夕舟次采石

貢水千餘里今宵第一程日歸逢歲盡惜別憶春明棹匝殊
方語江虛爆竹聲愁顏對卮酒童僕強相傾

不禁此等那得佳句

螺川重逢惠婉歌姬賦贈二首

浮雲空綴影天末意分明寂寂交流目盈盈不及情弄花舒
怨壘執竿隕愁城試看今宵月依微照昔盟

結句冶

惜別悲牛女客歲分袂於七夕之夕來期又鵲橋已無今夕恨憶得去

時嬌雜贈仍珍篋貽詩試解綃琴心何限思持底更誰挑

深于唐人非率筆為情也○第六句有關模

泊三河壩

河折分三面衢參粵與閩舟輕浮荻葦巖鬱自松筠物態紛
哀樂蠻音隔笑嗔扣舷醒午夢天末未歸人

已卯下第後酬楊內美廷評新安道上見懷二首

已罷秋蘭怨。因君倍愴然。變衰同草木。垂老戀蹄筌。世亂關文氣。皇圖仗武全。生涯誰脫驟。傲骨向來堅。

怨矣

不怨則詩不工似此可以

浮榮如聚沫。閱遍世人情。九孔針疑巧。三齡葉避精。累難輕

島嶽緣。易損簪纓此。意霜前雁遙。憑一送聲。

亦不可廢

張公亮貽熒芝榕城諸集客夜讀之賦贈四首

桐雨催秋色。牕虛襲晚吹。茗擎方破倦。香定忽披奇。古麗驚餘子。深蒼怖大兒。十年企勝友。此日慰余私。

曉露零芳杜。韓山幾度春。烟霞供吏傲。珠玉慰官貧。鴻寶青

鏤秘龍梭白。練新優曇時。一現誰是看花人。

如此謂之才

眼底疎狂意。參差彩筆申。海峰高限日。花塢曲藏春。佛慧開

初地。天閒絕後塵。殘宵驚不夜。篋淚滿鮫人。

馬工枚速敵。士簡獨兼之。霞爛仙郎錦。瀾傾幼婦辭。筆搖誰

學步。針渡幾攢眉。莫漫矜桴鼓。中原合偃旗。

落旗字新警

客亭偶感

非無花草色。蕭瑟傍簷楹。雨已妨新月。霞空憶晚晴。酒澆愁未起。病減藥初成。少小悲長歛。飄零老漸平。

俱寔境

寄懷徐巨源

千秋各自媚。持意更何人。力巧資天授。精華向日新。我方驚畫虎。客自悞悲麟。古道崇名世。論文莫浪珍。

起句自非泛

揭山逢荆石兄

漂零如昨夢少別五年期易老全妨面多愁不耐眉烟花秋
又晚瘴癘久堪宜好唱江南曲聲聲月影移

同遠公伯璣試茗

雅人多嗜茗靜者獨相知味送輕無際香生細不移鳥啼殘

雨後花落晚風時滌器敲新火心閒手自支

五六佳句陸季疵說未到

七言律詩

舟次建昌作

帝子樓臺插絳霄霞光樹色故相嬌琪林月瑩三千界烟柳
風吹十二橋此夕酒應仙女乞何時香傍玉人燒梅花落盡
橫斜影乍可江城紫笛邀

庚午九日米仲詔先生招登漫園新樓分得河字余卽

以翌日南歸

北海尊前又和歌南州有客愧羊何人心自向層樓遠秋色
偏於九日多帶旭看花寒欲破隨雲度雁影相和將離不及
園亭水迢遞潺潺到御河

逼似歷下

劉士雲園亭梅花同諸子賦

高枝玉綴映水壺影入長空旅雁呼相憶廣陵春共遠遙知
大庾月同孤黃昏香定人誰主白雪歌殘客自吾極目烟波
天萬里可能江上一書無

送元禮解元赴南宮試

何限關情把袂頻豈緣離思惜芳辰寒生北道依殘臘日近
長安動早春夜月劍光搖紫闕花天袍色閃青蘋懸知經國

餘三策不愧吾家第一人

送喻仲延之京二首

孔道烟塵天際看。長風吹徹雁聲寒。舟前日落金臺迥。馬上秋傳玉杵殘。防海南方兵未寢。安邊諸國賦曾寬。帝廷正值勞清問。莫嘆人歌行路難。澹絕秋雲寫態新。空江把袂惜芳辰。愁深滕閣重陽酒。夢遠禁城十月春。虛左可知迎國士。前籌遮莫借儒臣。霸圖省識先朝盡。猶說當年買駿人。

送何濬流同喻仲延之京

李膺共載羨君行。遙指飛輪接鳳城。萬里秋光悲劍氣。九河寒色滿砧聲。懸知旅况非彈鋏。好向交游問請纓。惆悵燕歌

千古事。莫教浪得酒人名。

秋日同李伯開王幼房劉師貞集楊內美湖園共賦羣

字

忽送涼颺秋欲分。秋聲無那客中聞。相攜把酒生殘照。更以敲棋倚暮雲。木末乍浮烟細細。花前送影月紛紛。閒來自覺機心盡。試看鴉飛不亂羣。

別調

丁丑冬日劉漁仲徵君同客金陵值其北征以詩畱別

次韻答贈二首

勲名萬里惜分陰。半世端居壯士心。歲月幾年虛雀夢。風雷此日動龍吟。中原將佐曾償璧。上賞朝廷數賜金。望入瘡痍驅駿馬。秦鞭雪涕自君深。

行行紫氣傍公車。回首青藜一嘆嗟。以子萬言方報國。為臣
四壁肯謀家。傳春日暖融殘雪。斜月風微定晚沙。見說酒人
憂社稷。從來燕市誤鶯花。
如此自是名家首尾俱靈

到程鄉呈陳仲謀明府二首

半刺床頭對主臣。亭臯草色幾迴新。何來躡屩寧辭賤。漫笑
衣珠未解貧。繡陌流鶯窺畫舫。花天麗雨渥青蘋。緬懷百尺
高樓上。若個當年下榻人。

朱絃聲萬萬家。春花簇繁英。鳥趨人應宿。夙風厘明主。夢宜民
暫借宰官身。邀遊好月專城迥。披拂薰風入座勻。自許柴桑
寬罄折。肯教乞食喪吾真。

解人語非痴非黠

釗兒同予客潮值其滿旬作此勉之

耳峻蹄輕也。自驍龍文更着汝。羣超試看曳。褌形方敞可得。
為箕手不調支。以從同俱在戌。名將致遠莫忘釗。人間已覺
春葩貴。秋實還應器識饒。
結句感懷深矣

辛巳中秋二首

呼星酌月是襟期。客裡中秋倒屈卮。羿女情多金屋早。羅公
術杳玉橋遲。桂將香滿閒來鼻。雲以愁空淨到眉。料得黃姑
圓缺恨。翻嫌少婦健兒知。
半醉揮杯敬接離。唾壺缺盡月應知。憑將涕淚關山滿。杳若
星河尺素遲。兔影生憎飾葉亂。龍淵直欲割雲癡。請看皎潔
瑤臺上。照徹人天苦樂岐。
傷心麗句

揭山中秋貽許班王

玄度奇懷送酒宜。那堪朗月寄相思。蛩吟節序年年慣。花漏秋光處處疑。瑤堦露湛金徽冷。碧落風微玉杵遲。不夜只愁輕向晦。明珠何事淚天池。

潮州逢趙子玉

蕭蕭行李各青萍。十載雞棲可具陳。熱惱定知嘲熱客。炎方猶有避炎人。悲緣龍性馴應苦。怨託蛾眉黛懶勻。我欲問天歌楚澤。連城自昔趙家珍。

煨芋口號

煨芋何妨且樂飢。皮毛剝伐自冰肌。香傳火候聊蘇肺。顆落盤中試朶頤。白日攤書茶竈沸。清宵看竹酒卮遲。猶聞故甲方次玉。那得蹲鴟十斛遺。

小題多韻致

偶成

猶然高榻昨宵屏。靜入空階細雨霏。客况冷如文士硯。秋懷淡若老僧衣。花垂斷砌香無主。潮落寒塘聲漸微。一卷楞嚴高着眼。也知魔佛總來非。

閒居

斜着行雲欵日暉。道人匡坐獨荆扉。神於敝處將閒補。老欲遲兮與燥違。花底無聲鶯在夢。水邊如動燕初飛。禪心了不關奇特。眠食從容冷是非。

此靜中得意句也。當求之聲律之外。

五言絕句

艷曲
花氣和香煖。風絲伴帶長。凭欄呼小婢。莫去繡鴛鴦。

昔耶園集
過孟嘗君養士處口號
莫言能好士好士不知貧薛國彈丸耳食客三千人

看人送別三首

心柔難着苦情多故強持可堪千里淚一灑別離時
却憶消魂句淒惻譜臨岐小窗開卷日未是別離時
花影重重媚鶯聲轉轉低春光愁看殺乃在別離時

讀曲歌七首

昨宵的的樂鋪設待歡來羅裙輕着結那頓入懷開
十日望歡至知歡含意偏儂如木偶人相對不能言
儂手作郎枕郎手探儂腰儂腰無氣力端的十分嬌
燈月交輝光惟底照儂忙阿郎滅銀燭待妾解羅裳

花釵明月璫湘綺并齊紈是歡前日買今夕取來看
三日不相通聲息竟何有歡似紫玉簫儂似織織手
回頭見歡來儂把桃花弄花片落歡手莫恐花心動
七首佳在直率

午夢

清晝篆烟殘夢破驚停午人影小窗寒疎簾隔微雨
那能如摩詰然已得其意矣

爲歌妓婉若寫蘭梅竹枝水仙四種

唱徹詞低月彈來操倚春橫塘疎影外寄語洛川神
巧

七言絕句

代寄二首

十日香闥竟未開將因憔悴怯登臺傍人錯憶奴顏好夢裏
知君見妾來前人未及

江上春來雁不飛無由消息到香幃幾回小犬迎人吠錯認
檀郎有信歸

撥悶二首

曉來無事笑春忙又看梨花滿地霜不遣閒愁絲雨似朝朝
暮暮織柔腸

下階隨意折閒花愛殺和風拂樹斜但使春光常在眼漫言
客舍不如家正在思家

登樓

九十春光如轉燭可憐日月伴花愁雙眉強綴青山笑怎奈

青山到客樓

卽席有贈

漫道含羞綺席前酒酣扶醉倚郎肩華燈淡淡照顏色何處
看來不可憐渾然舊人好詞

卽事

半簾新月下黃昏簾外花枝簾內痕浴罷美人扶倦後凝嬌
欲語不成言每多艷句却自傷懷

旅中柬袁令昭

江樓山色向予閒暮紫朝紅未肯刪也爲聲名勞七尺豈能
無事馬蹄間

送春詞

春憐人也。春為啼人送春也。春花泥碧。海漫漫無消息。月光東上日光西。
又恨不令湯臨川見之。

寄衣曲二首

手把寒蕪見雁飛。逢人錯問幾時歸。知君慣別長肥健。不向青縑約帶圍。
臨臧再發玉羈前。取酒千錢囑付偏。茅店曉寒霜外月。昨宵偎向錦衾邊。

哭陳大士六首

爭疑晚達補長年底事。天公妒汝偏地下。修文應着眼可教。漫試玉樓前。
生死交情託契奇。不知者壽蔡同疑。黃河激浪千餘里。慘日

悲風烟樹迷。

君與蔡相國同里舊交奉命護蔡喪歸旅櫬濟寧

夙昔嗔君不解禪。玄言送難亦翩翩。靈皮袋今知否。稽首何須大士前。

代興制藝此功臣。班剝誰堪雜著倫。共捧珠盤爭看殺。金針渡處最撩人。

總拚駿骨北之燕。五十觀場氣倍前。不恨牽絲日苦短。韶光虛擲負新年。

題鳳登龍君自知。廿年弟畜寄心期。豈緣宿草岐哀樂。橫笛山陽萬古悲。

愛妾換馬三首

珊瑚策指氣如虹。不忿嬌啼血汗同。總是千金休問值。昨宵

百萬一時空豪而怨

五花裝就額光勻千里龍媒蹀躞新阿郎顧盼增聲價賤妾

何堪擬絕塵

雄心半逐美人回乍解金鞭倩作媒擁得佩聲歸繡閣可教

殘夢遶章臺

賦得北風吹裙帶

翠袖華裾出閣遲氤氳香霧月初移春心只在腰圍上怪殺

輕狂十八娘

題洛神圖

怨雨愁雲結水湄將飛未翔意故遲不知何處凌波去剩有

丹青一點癡

此詩正有痴意

昔耶園集終

原序

張慎言

今日詩道亦可謂極廣矣乃譚者舍三唐七子之外略無托

寄最可笑者每手一編輒不論人而論派派向稍似與其人

絕不相肖不顧也若讀其詩想見其人見人如見其所為詩

與作者構思脫稿之時盡出其胸臆之所託寄不自己而噴

於口舌之間倘與會不至姑且置勿道若人者格氣法體一

齊俱至蓋嚮往久矣今年夏始得見亦房斷續映帶為文原揖讓簡

略語操吳音乃韶令軒舉便映滿坐又得讀其詩詩中之景

味皆余眼曾經見既而悔其錯過與偶會卒抑鬱此中咄咄

而不能脫於腕及見亦房詩輒拍案躍起故天之降才爾殊

也余嘗見世有可喜可愕之况與若人稍不相涉者何故又

有仰蜂行蟻落絮粘泥之境若人聊不惜者何故與不寄也
興之所不寄者情不曠也興不寄情不曠者諸累不盡也諸
累俱盡興到趣遠乃出於口脫於腕尚粘帶在筆墨之間斯
所不解故世有不可強者不自已者不可強者畱在胸膈姑
作不了之局若不自已者盡出毛楮否則如有物在喉必吐
而後快斯又所不能解亦房最深解此道終不肯為余言姑
書此為異日再晤時之話柄何不可也

公立朝多大節詩極清峻此序不獨說亦房甚肖甚別公之意致槩可見矣○話柄字面後來作者宜洗之

句波瀾亦好

澗上集選 為八十一首

姑蘇 王 畱亦房 著

同里 陳濟生 皇士 定

豫章 陳允衡 伯璣 評

匏葉詩 選三十 二首

董六遐周聞予北遊自荅上來送予胥江之滸並貽長

篇有答

搖艇盡谿路。所攜谿上雲。雲容若相送。一室何氛氳。素手忽盈把。攬之仍贈君。憑茲覽情愫。時與通殷勤。

格高亦房希有之作

金陵答李本寧先生貽詩贈行

夜半風生散雨絲。輕橈偏欲趁風移。麥沿江甸寒齊偃。草過

淮流夏已衰。為客自難矜。素尚閉門方。免累相知十年不報。他人力此去。羞尋漂母祠。略無習氣

晤何玉長於維揚時歸自遠左

何時為客了。近日在漁陽。不信春纔過。相傳草半黃。交遊邊將籍。童僕健兒裝。無暇詢風土。吾將到北方。此首甚健

漂母祠

漚麻阿母應。食貧等閒麥飯為家珍。釣魚無魚一浪子。不衣不衫何足喜。殷勤進食非徒然。阿母目光能燭天。王孫不辭亦慷慨。一飽殊無忸怩態。母不望報心豈忘。千金為壽真尋常。生平交歡多在後。貧賤相知莫如母。吁嗟英雄出巾幗。一母堪當丈夫百。其時英雄寧獨茲。王陵之母死更奇。交歡多在

後冷語令趨炎者默愧

淮北道中

沙灘高下浴鳧鷺。新出菰蒲綠未齊。移桶過淮應化枳。種楊當路半生稊。船頭鼓角頻逢驛。河上金錢浪築堤。醉後無端千里夢。直隨明月到深閨。河上金錢浪築堤書生憂國

蘭陵道中懷趙凡夫

朝臨濁河水。難照遊人顏。在道已千里。過淮無一山。遙傳岱宗色。尚隱空濛間。到日紀名勝。寓君松下關。結句似是強

濟寧南池即杜詩晚涼看洗馬森木聽鳴蟬處與太白

酒樓相望咫尺

名蹟但能到無奇。仍欲尋况茲池上水。獨照幽人心。羣木見

非故一詩傳至今酒樓亦相屬高瞰層城陰

題佳○如出退谷手

道中雜詩五首 選三

諸侯出東方道路皆屏除歛手立草叢從者猶椰榆俄逢陽翟賈負載牽牛車持鞭揖諸侯貴賤良不殊從者霽威嚴側身讓前驅早知大賈尊安用親詩書

江南飯香秔玉粒如摩尼仗劍輕出門道遠不可齋胡餅炊麥屑乍見惟攢眉童子能飽餐一一甘如飴索飯莫與應譙訶稍及之童子告主人茲行意何為雖云室如磬餘粟猶足支默坐無一言食餅微療饑

結句正是詩情莫作滑稽看

朝從酒家飯暮從酒家宿大隄無閒人來往互馳逐翻怪東風狂吹沙輒盈掬縱令風吹水安能浣塵俗不若風吹沙猶

可塗面日行役亦奚害達者自無欲酒家不出門朝暮恒碌碌

三詩頗覺非友夏能辦

劉耀甫太學招飲郊外卽事六言

人聲出郭殊遠野色當門自長秋首無花亦勝日中有竹便涼

涼天酒亦旋醒勝地詩都不成輕雷如近如遠小雨乍陰乍晴

別金銘使君

別時自不醉酒力何曾加久住亦為客臨行如去家園林綻新實田草榮繁花未曉就藍輿獨看山月斜

黎陽謁周師子祥

作意謁知已出門尚猶豫及登漂母祠夢想報恩處一飯哀
王孫不忍負茲姬何況論文章國士久相遇寧曰千里遐遂
阻積年慮賣田買長劍結束遠行具昂首荷高笠歛足曳輕
屨登涉途屢遷勞勞自無懼比鄰多貴人屏迹罕來去士亦
各有心何恭復何倨

結亦可歎

寓居晚步

僻處絕人事頓然消夙疴偶依野樹立疑待山僧過新月上
良久落暉留不多尊中有名酒獨酌顏微酡

頗欲靈處帶老

弔黎陽盧柎先生

漢時狂士推彌衡裸身槌鼓猶傳名死後精靈不銷歇忽然
墮地生盧生彌衡昔傳鸚鵡賦盧生賦名不論數寥寥此技

工者艱前後兩人稱獨步朝呼大匡山孔融何不起夕呼浮
丘山楊修竟誰是山靈震駭不得安盧生掀髯笑相視痛哭
流涕逾猖狂疑人疑鬼非尋常一日遭逢酷吏手驅入囹圄
如驅羊盧生神情不沮喪鯨飲仍無楚囚狀西蜀尚書好男
子請出獄中居坐上岸然敵禮如等閒爭笑此人真自頑妻
孥相待不歸去拍手放歌登兩山人為盧生悲我為盧生喜
酷吏尋常小人耳其時若與曹公遇不殺盧生應不止
如此語亦是文苑中劄子手

與蔡文學登浮丘山

在郭得幽境尋真殊未艱遙看最高處云是太行山草色一
時改河流無日閒浮丘倘可遇跨鶴應忘還

五六偶然佳句最不易得

不寐

○雖○織○不○害○以○其○雅○也○有○織○而○近

吟亦初無意其如不寐頻霜遲秋養樹寒早夜攻人蟲語於
俗則不可

砧和燈花與壁親因匏有苦葉乃覺衛風真

黎陽道院書懷四首

近樹茅齋豫作寒日中方始獨憑闌故交久約尋非易貧士
初心諱亦難跛躄馬經千里敝居停人似一家安水濱幸有
魚堪食長缺于今且罷彈

四首可為游客寒心故並存之

他鄉氣候果難同九月何曾斷北風無準不須祈喜鵲有愁
那可聽哀鴻非時寒煖應成病隨俗饕餮不便童兄妹音書
俱阻絕夢中談笑偶相通

微吟長日竟誰俱間讀殘碑古殿隅柏葉不辭孤注綠草莖

相約一齊枯官畱幸舍歸應緩僕厭名山道屢迂妬殺故園

兄與弟人人頭上有茱萸

官僕每作對有輕薄意

一雁雲中影漸遙亂蟲沙際語何饒落暉射面紅如醉列岫
依人翠可描寒豆帶花旋命摘秋瓜存蔓止供燒兒童俗韻
殊淒切漫說仙家碧玉簫

同汪生明卿閻姬玉英登大伾

棗林憂憂起寒聲斜日風中淡不明絕磴軟苔遊女憩平原
枯草獵人行沙潭潦水晴猶積城郭炊煙晚漸生屢到無詩
酬老衲空煩選石待題名

張秋別曹爾代明府劉呈符孝廉

○甚○愛○此○起○
河流勿云濁能鑒相知心為日無久暫所交有淺深亂山度

疲馬密樹移驚禽分手一何促大堤生夕陰

魯中志感

去魯遲遲亦有因禪房貪息病餘身出門輕重憑官異遠道
悲懼與僕均枯樹作風驚倦鳥寒山釀雪恐勞人江南此日
歸應好放艇溪橋理釣綸

又以僕對官

有感寄金銘使君

別時猶憶在清秋三月殊方久滯留舉世多於寒士薄如君
難向貴人求交知有數非迎合童僕無聊或怨尤歸去五湖
應釣雪恐煩清夢到漁舟

鄒嶧曉行謁孟夫子祠

凌寒出茅店暗壁孤燈懸日起在人後馬行居鳥先山多樹

有霧屋少村無煙道左得祠宇低回瞻昔賢

語雖尖調寔

孟嘗君養士處

農夫力田畷所獲食妻子士亦各有志焉能自飽死上下千
百年意氣孰為擬浪遊越滕薛言遵古人里空原翳荆棘幸
舍得遺址歇馬獨憑弔悲風一時起肝腸不消滅生氣凜如
此所嗟今諸侯下令逐遊士中厨羅庶羞澄膠湛若醴每食
恒閉門茲意稍堪耻

月下度淮寄黎陽閻姬貞

風霽清淮一夜過思人其柰月明何薰爐未滅身先冷繡被
中間水氣多
千里寒山疊凍雲低呼小字有誰聞每因夢見添愁緒翻願

今宵不夢君
醉擁氍毹聽漏遲
宵寒那得美人知
誰憐獨客空江上
正在
霜濃月淡時

抵關門懷前使者馬仲良

西山寒碧雨中滋
不為看山也繫思
文士入關無醉處
公厨臨水有閒時
帆檣此日仍雷頌
胥史從前已解詩
一樣遠遊如遠宦
君歸太早我歸遲

感激語一往而深而怨恨亦可見矣

燕載集 選三十首

阜城七夕寄內

阜城道中風雨惡
馬倦人疲有何樂
閨中此夜尤寂寥
閒共青衣倚高閣
東家夫婿稱貴人
阿婦宮粧樣簇新
中庭乞巧

羅瓜果月落歌筵到
舞茵西鄰少年執袴子
新得吳姬寵無比
冰綃十尺挂闌干
雲裏畫樓涼若水
獨有天涯浪游客
往往辭家事行役
寄書惟恐索寒衣
未到秋宵理刀尺
前歲閒登天目山
病後同僧靜掩關
朝看谿雲晝尋瀑
中秋已過方南還
去年貴客貽書至
約我裹糧游北地
饑寒驅作幕中人
雪夜歸家始同醉
秋風射策又當年
扶病攜書遠入燕
無伴爐頭尋錦瑟
有人燈下卜金錢
歸期不遙應可數
到日前驅背負弩
豈如嫁作從軍婦
夢遶邊城一何苦

名士。結句未妙

下第書懷

南都曾放逐北闕更流離
人世一無取我生何所為
文章籍

口聽慰勞拊心疑稍喜燕山色衡茅竟不遺怨

病中周師子祥過訪感賦師以黎陽令分校入都予方

下第

空床握手不勝悲正在天涯放逐時期許反如君有誤文章

何以世無知思歸諒僕愁中急惡病憑僧理外豎更莫殷勤

憐敝帚甌間安用嘔心為起句下空林二字一篇便已悽楚矣

寄遐周

燕市幾宵月照人猶不寒茲時五湖曲未覺秋容闌曳杖歷

高隴放舟離淺灘應憐獨遊者愁病歸殊難起妙甚此正在字句之外

得解耳

對月懷仲良

一燈挑復暗起立到堦頻漸爾出殘月其時惟病身夜長閒

不用風急怒無因同好憐之子相離已浹旬

思歸簡仲良

淹留作歸計漸久歸逾難况值昨宵雪倍增孤客寒譴阿童

不理危急友何干斯世倘無子悠悠誰肺肝欲以示交道漠然者

方城僧舍書懷

不負相知約衝寒遠亦尋稍因官好語暫解僕憂心淡日落

依草乾沙吹過林旅居毋謂寂檐際有鳴禽乾沙句他人無此眼界

朔風當晚定披衲上孤城歸鳥一何急羈人同此情乾河微

失勢秃樹不分名最喜寒烟外西山落照明

得仲良書却寄

展書燈下讀周遭。僵臥更闌夢益勞。祗爲憐子無要路。翻疑
累子作閒曹。草根暖尚埋沙徑。鳥跡輕能印雪皐。可憶虎丘
寒月夜。醉中披衲共漁舸。

別伯闇先生

寄居齋閣傍瑤琴。清調勞君各苦吟。荒市壺觴存酒意。窮途
資斧盡官心。細風偏喜攻窓隙。殘雪微能戀屋陰。記取殷勤
寒夜別。歸鴉聲定遠鐘沉。
韻致自喜

長安秋草篇

小引

吳市畸人燕都逐客。南冠寄食西第傭書。已傷颯颯三秋
更苦奄奄一病。繁華耀日難依桃李之榮。亂葉吟風空逐
梗萍之困。覩茲衰草倍觸羈懷。爰托篇章聊鳴感憤。

春光一夜到皇都。細草茸茸出九衢。綠作酒茵花底布。青爲
舞席樹邊鋪。纔發園林又籬落。已徧郊墟及城郭。微寒微煖
日融融。不雨不晴烟漠漠。別有輕風拂面來。似教着意一時
栽。初生墻角那輪柳。漸長堦前不辨苔。初生漸長春亡賴。顏
色雖同異根蒂。已效虞兮號美人。還隨鄭氏名書帶。從他曲
徑與平堤。百里春城一望齊。覩將乳燕呢喃舌。染向名駒蹀
躞蹄。長長短短紛如許。何處冶遊無笑語。醉時枕藉任王孫。
鬪處追尋憐士女。水邊林下偶潛窺。正在名園逐隊嬉。羅袖
低籠藏不見。翠鈿輕落隱難知。風來枝葉交相亞。亦有幽花
自開謝。根輒偏宜踟躕場。莖柔不耐鞦韆架。別生一種深宮
裏。宮樹宮雲貴相比。內庭嘗映小娥裙。馳道曾承至尊履。更

有春期暗裏潛和泥印出鳳鞋尖行雲祇恐朝將化多露寧
愁夜欲霑一春將盡封姨惡草頭紅日渾如錯已當二月三
月餘漸見桃花李花落落花無數隨泥淖時過難干草相較
蝶翅初依簾幕間蛙聲偏向池塘鬧長夏猶然好時節一到
涼天有分別纔經秋雨便離披更入秋風易銷折秋雨秋風
打復吹秋風蕭索一庭悲江州司馬衫都溼金谷姬人髮乍
披輕雲蔽天寒氣動遂有微霜忍相送泥深張徑晝無人水
落謝池夜不夢道傍籬下總歲隳欲直還欹力不支恍類名
花初睡後祇疑弱柳乍眠時如綿似雪苔相襯半死全枯有
誰認颯颯無緣入纖手蕭蕭祇合隨衰髯背霜幾種人畱得
憔悴無過遲頃刻腐時不若化流螢死後可憐同促織紛紛

傍岍復臨流客到寒郊不肯畱拾翠已忘前度樂踏青誰記
昔時遊遠目何堪立高壘但有枯荻冪前壅青處難尋學士
湖白邊錯認明妃塚此時豪華游獵客蹂躪何曾少憐惜犬
鷹空說有精神狐兔自然無窟穴莫怪山童不管取天心催
折人無主鳥從雪下啄還悲犢過霜前嚼尤苦北風射人寒
益峭漫向空原戀殘照斧斤但許給山樵烟火只堪供野燒
獨有天涯作羈旅幾回欲別還延佇忍教落葉無棲泊任取
飛蓬多伴侶也知人世自無情此草雖枯旋復榮待得春風
吹到處叢叢重向日邊生

才情未易較允兆十二律甚遜其雅

送劉其奇歸豫章約予同行未果

畱滯空憐客計窮舟行未必與君同汀蘆正密喜新雁田草

將衰愁亂蟲獨夜有懷偏避月長年無力但需風遙知詩句
偶成處多在小村燈火中

紀夢

丙辰正月二十九日晨睡未醒夢與家季讀書西山嵐翠
泉聲映徹心肺徐步林際見梅花如雪友人錢三宗之葉
五幼望亡友陳大君時適攜酒至相與藉花而飲談笑極
歡夢中忽憶身在長安焉得此樂得非夢乎復自解曰雖
夢亦足覺而紀之

曾聞思卽夢我思亦良侈貧每思錢刀賤每思朱紫情每思
佳麗病每思藥餌思鄉不歸鄉所宜夢田里思家不到家所
宜夢妻子數者無一夢我夢亦何以夢中偕我兄讀書亂山
裏嵐氣結我眸泉聲聒我耳曳杖徐出游深林共徙倚恰在
梅花時寒香濯心髓我友二三人攜尊到花底相與籍花坐
醉眠都不起樂事豈必真夢境卽歡喜地亦無遠近人亦無
生死衆思願屏絕醒後閒自矢夜夜俱有夢夢夢俱若此雖
夢亦良足夢語寔名理

非五言古

送楊修齡侍御按黔時方用兵

疎雨濃雲暗遠郊南征慷慨誓前茅山根野火懸孤戍木末
人烟據險巢萬里鼓笳迎六傳兩階千羽待三苗應知日有
千言就記得歌名或是鏡

初秋志感兼呈仲良

去住總難決可憐游道窮病身生死介鄉夢醉醒中夜色候

新月秋聲聞早蟲。為詩思倍苦。迂濶與君同。

可入浪仙集

七夕寄內

病起還生病歸遲。豈忘歸勿愁。天上笑昨夜亦相違。一別剛一年。雙星未為久。人出在星前。人歸在星後。

新

古

送劉西佩予下第後尊人大司成師館穀署中與西佩

同硯席

去年寄食君家時。嚴霜力摧枯樹枝。雪下關門擁鑪坐。君喜

唱歌予作詩。深夜同眠書同起。起來同入空園裏。登樓見雪

不見山。只恐齊消作寒水。別君偶然成薄游。臨印好客經旬

留再來。彼此各居處。不絕往還兼贈酬。忽忽已過春復夏。又

值涼秋。暑都罷。楊柳柔經露滴殘。芙蓉輕被風吹謝。余客高

樓幽。可取君到無期略。賓主面山常見繞。城雲倚樹多聽出。

宮雨卒然欲別。因吁嗟。八月輕帆隨浪花。笑予作客反留客。

為爾歸家方憶家。出郊飲酒豈歡悅。夕鳥秋蟬共悲咽。他時

有觸思倍深。預祝今冬不逢雪。

純然唐人規模

送長洲令蔣侯暫歸吳興旋蒞敝邑十韻

秋風習習早涼輕。仙令經秋指去程。小市出烟孤戍隱。長橋

留日亂山明。樹生沙際衰于草。火起田間遠似螢。荒後居人

忘穡事。閒中小史記村名。驅車曉避初霜下。挂艇宵乘急雨

生。土俗已知通茂苑。溪居先為指餘英。萍香野浦聞魚跳。稻

熟陂田見蟹行。伐竹山中嫌市態。採菱桑下喜歌聲。石湖漁

父披蓑立。虎阜詩僧擁衲迎。歸去不須耽好景。吳昌烟月倍

關情。隨州丁卯一派此極磨洗之作也

初冬客懷

故園消息杳難憑寄食栖栖百慮增貧士驕人猶勝誦庸流
愛我不如憎殊方得病醫無力獨夜成眠醉始能身賤敢從
同學較任他裘馬自相矜

傍澗誅茆十畝宮主人閒即住山中藥苗飽雨分畦綠楓葉
酣霜合塲紅半夜樵歌寒趁月六時僧磬響因風如今徒倚
都門望凍草僵沙是處同

兩字轉一篇

送呂巨源明府之上海予嘗同事棘闈

嚴寒難怪馬身僵候吏披衣敢避霜驛舍孤燈強半黑村園
殘菊不多黃海魚來往乘潮汐巢鳥高低識雨暘到日好憑

官閣望颶風吹過疾帆檣

微名獨自外孫山遂覺飛沉頃刻間三策已分功罪案一身
猶寄死生關多言敢怪朋儕薄失意偏令面目頑遇合如君
仍不易八年為客始能還

巨源客都門八年

別時良十首

久客人情熟趨時亦甚難贗詩爭鑒賞態友例交歡倘子不
相惜其身何以安悠悠行路意緩急信無干
旅食無專業栖栖困莫禁君真同切已我反不關心凍餒愁
俱釋僮奴感倍深交雖別有為茲誼已難尋
僻性俱難合歡然見即親交令徒論久我或不如人文字豈
孤詣心知俱往因概將斯意律白眼盡堪嗔

較論詩真質繁聲信可憂亦知非細故安得諉庸流一字尤
當覈三人不敢求尋常刪述事別更與誰謀
不堪惟有別茲覺倍無歡期許多深意文章僅一端試將全
力用寧必古人難但以時名律于心恐未安
若但論交態何人不可羣與予相背謬較子倍殷勤寔意終
難匿溫詞未敢聞深知殊落落肝鬲稍無分
相隔動經歲君身何所爲精心求別友恕眼讀他詩謗我毋
煩辨稱人不厭欺悟深微密理未必衆能知
忽作幾時別曾爲經歲留漲沙攬嶺日涸岸東河流樹雜鴉
徐認村遙馬急求縱然能得酒欲飲亦無儔
豈但歸無緒君畱興索如酒疎身每暇詩少力恒餘差可寄

高臥不然多讀書倘令攻舊業伴侶恐難虛

問我家居事蕭然道益窮安心從婦適匿影避人攻厄運歸
文罪沉疴掩藥功污邪餘數畝谷口願爲農
爲交情悉存之

遺稿

選十
六首

真際亭

虛榭忽凝睇下方殘照微閑尋片石坐靜待孤雲歸赴澗瀑

千仞覆厓杉十圍晚來作寒意急起披僧衣

前四句佳

尋古坪諸禪室

僧廬就巖築出門卽危磴徐行倦還歇杳靄失人徑叢竹蔽
高閣深林沉遠磬俯視勢先摺遐探景逾勝干霄樹難圍削
地石堪凭絕境秋早涼陰厓晝先暝漸緩歸去心彌增再來

興

高閣顧嘿孫子翔兄弟載酒泛溪上歸酌遠園對月

露坐船頭擁衲衣孤村煙柳望依稀流螢的的穿籬出遠火

熒熒隔浦歸蘆葦作花秋氣老芰荷殘葉暗香微高吟入夜

仍移具漸覺層樓有月輝

寫景活

病起行園

病餘常墜戶小圃自扶筇煦日如初夏寒花發款冬上樓忘

倦足倚水鑒衰容登涉非吾事遙山空萬重

氣韻極靜

寒湖同到門

小築宛如江上村階前徑尺青苔痕偶然繫艇一相訪惟有

寒湖同到門

老人曳杖何所往日暮空庭寒雀喧不逢翻覺有餘意相見亦知無可言

訪太乙村居

籬壁皆香氣寒梅深復深預愁花落後門徑亦難尋春雨又

將至暮山俱已陰別時聞谷響應和主人吟

懷戴大圓

寒夜相留意獨真道中風雪果然頻南歸夙病益新病北地

殘春如早春經歲法曹無所事近時良友得何人勞勞城市

不能隱雖欲買山其柰貧

懷鄧泰素博士

殘冬先後各辭都已見春流漫五湖竹箭短因雷始迸柳綿

輕似雪纔鋪諸生解語詩篇否薄俸堪償酒債無記得同遊
花寂寞有花時節又成孤
戴鄧皆豫章詞宗海內不多見其集可慨也

劉虛受招同家去秀金陵蔣姬看牡丹遲吳康侯不至
辛夷已殘芍藥早君家洛陽花正好檻外惟容曉日窺幕中
不被東風惱酒人同來高興生深杯酩酊還重傾當闌不闌
夜有意欲去未去春多情美人筵前與花似昨宵來自長干
里露凝何異浴初停雨壓恍疑眠不起五侯園亭舊遊數栽
遍山傍兼水曲底須問花當問人雖不宜酸豈宜俗何如君
家幽致繁朦朧殘月到黃昏人影寫將燈影媚花香沁入酒
香溫吳郎相期不相過擊節狂吟待君和與誰同看別家花
難道殘春閉門坐
君歌有殊少又當恕論

懷獻孺客青溪

各有浪遊地分船湖水濱大都稱烈士不必諱干人七尺厚
期許十年同賤貧較量君更急捧檄在娛親
直寫胸臆

仲良罷官後篇什甚多遠寄索和報之

官敗都緣筆硯中苦心仍與昔時同難嫌俗議皆相左若爲
身謀果不忠吟咏直關文士命糾彈深感要人功楚江嵩嶺
相期處角勝應知奪鬼工
仲良期予來春爲嵩嵩二山之遊

得劉敬仲書及夢子詩書中云署坐午睡夢予入都醒
則予書適到異而作詩答之

貧士與達官雖交亦非類士交一進賢動輒挂腸胃官交百
逢掖曾不入胸次于彼亦何責在此實無謂惟有至人心稍
可、笑、可、憐、可、慨

與流俗異相逢在長安相別隔年歲名姓謂宜忘中情乃相
繫遠書出深談新咏極奇致云方畢春遊正爾足午睡如聞
隸卒傳果見友生至言笑忽已醒面目尚疑對適予去冬書
乃以此時寄因緣固非偶魂魄豈為昧誰信讀君語反欲增
我愧知君非不深思君非不倍何曾離心口然未入夢寐與
他貧士言便若倒行事我不夢君心是君夢我意
劉司空與君真莫逆詩亦為交情存之

同商孟和夜集鍾伯敬金陵邸舍伯敬時補水部將定

居南中

經年一會果艱難勝友清尊事事歡閒署稍于文士協名都
應使寓公安能涼方覺秋真好得月如教夜不闌縱是秦淮

新水濶熱忙人或未曾看

全是習氣

贈朱康侯王孫

南州王孫盛文藻用晦云亡鬱儀老如君繼起方少年五言
清真尤覺好我父牛耳凌中原君家二老相推尊君今懷刺
復相訪直謂貧士非王孫告我經年作游計千里齋糧託孤
請戒僕還須變姓名逢人豈復誇門第行裝羞澁氣瀟灑三
尺胡琴一羸馬但聞朋友便交歡每到山川即描寫浪傳腰
玦青珊瑚布衣蕭然何所殊長共那曾傲漁釣低頭不敢爭
屠沽我亦奇游不停轍袖裡懷書覲宮闕瓣香慷慨拜荆高
杯酒殷勤酌毛薛所思廬山未得從詩中想見香鑪峰君行
便欲躡之去同聽東林烟寺鐘

此首獨老成

同宋獻孺訪陳仲醇山居值俞元濟姜神超月夜小酌
清溪歷深曲停船縛楊柳蕭衣叩柴門偕訪灌園叟隔竹窺
始開歡然出攜手山坐稠密先到悉吾友疑惑證經傳安
閒論田畝瓜豈畛區別松杉樹匹偶陰陽從向背物理不矯
揉雞豚寡殺戮釣弋存忠厚比鄰樂迂濶一一互遵守述作
誠緒餘盛名笑何有弘獎亦古道期我在不朽真率出家具
畱連盡杯酒露氣委桑顛月明冒隴首其時夜踰半對君不
知久

亦房遺集茵生從皇士得之見示集中割去十餘首未窺
其全匏葉燕載之外尚有他集亦未得徧覽憐君異才不
遇不壽每不忍過刪欲讀者識其生平意致耳若所論定
景升涉江君采雪鴻二集似乎可無增損矣

澗上集選終

原序

姚希孟

嘗嘆今之人未必無古人也而今之文必不能為古文夫古
人而文人者必曰忠摯如靈均曠覽如蒙莊秉直如丘明負
氣如遷而今未必無其人也洵有之而有屈亦無騷有莊亦
無南華有丘明有遷亦無左史此其故有三古初而今襲古
以朝氣而今皆暮氣古人以文詞相高而熙朝敦本課實於
古文詞若詩皆駢枝也何以明其然也弘正之季變歐曾而
宗秦漢變中晚宋元而歸初盛今則祧主仍還泰祝而千金
之享等於芻蕘遞相詆實遞相師其為優孟等也鑿蠶叢之
路啓篔簹之山者為誰故曰襲也古者父兄教子弟學肇華
象勺之年以六籍為乳潼而諸子百家皆糜餌也今則以帖

括生涯。浸漬于老生之宿唾。我我進賢。多不免伏臘金根之
 請其好為詩文者。猶是夙生結習未忘。竊其塾師肄習之餘。
 以代紙鳶棘猴之戲。否則謝去訓詁。乃從事焉。如閨中之秀。
 既操井臼。始習粉朱。風華韶令。半銷亡矣。故曰暮氣也。古之
 人主強半右文。所以長卿太子瞻。各有真知己。其他標彩
 揚英者。非當墜為之扶輪。則同聲代其植幟。至今日而文則
 誰憐誰忌人。亦可有可無。作者或雞口自雄。旁觀則鼠肝非
 貴文章之不尊。未有甚於此日者。其誰傳之。而又誰攻之。故
 曰駢枝也。近有雲間六七君子。心古人之心。學古人之學。糾
 集同好。約法三章。月有社。社有課。彷彿梁園鄴下之集。按蘭亭
 金谷之規。進而受簡。則勇競倍於師中。聚而獻規。又譏彈嚴

於柱後。此二百年來所初見也。諸君子不鄙而出其副本。以
 眎余如遊疏圃草木。都非人間。如入鮫宮。瓊琳莫能名狀。欲
 效一言。罔置甲乙。但憶唐人評文。其最者則曰。榿木枝幹結
 構。大厦上棟下宇。孕育氣象。可以變陰陽。而閱寒暑。坐天子
 而朝羣后。又云。赤羽玄甲。延亘平野。如雲如風。有猛有虎。闐
 然鼓之。誠可畏也。文章之妙。約盡於此。而余庚有進焉。諸君
 子所為。傾北海之尊。剪西窓之燭。永夕陶陶。歡言娓娓者。既
 從今人中得古之文矣。請從古文中論古之人乎。徒以文云
 爾。則屈宋同抱哀音。何以別。菹蘭蕢施之臭。莊荀各尋懸解。
 何以分。燕雀鴻鵠之操。盲史腐令。豈無微類。可攷。不至於舉
 升天。按入地者。同其誣穢。豈非有一種孤行之氣。亘星河而

及此心反

丁亥年人
正以此一
物之氣

綿世宙乎。今之風會日趨日沉。其能逆挽洪河之流。掃暮烟而還朝暎者。一則賴舉業家盡發二酉之藏。而經生自固者。不得窺名文苑。一則賴名下士必置身千古之上。而備鄙自甘者。不得連袂清流。此其青萍之末。實始吳會。而煽為麗景。鬯為繁條。極芳華明豔之辰。隱寓鍊幹木稜之骨。則彝仲臥于輩。以螫弧為之。搢也。迺有識者。恐其標持之過。沿為東京末造。而吾獨以文章占其未然。東京之文。惘而倦子。直而易盡。有霜枯木落之意。此天地閉藏之徵也。今則于常之松。借噫氣吐舒。蒸為崩濤走峽之聲。可以蕩滌氛祲。使妖狐老魅。聞之而斯慄。萬樹寒花。破蓓蕾而出。結為玉團。散為珠田。凡歲蕤茸蒼者。雁行魚貫。以領東皇之命。而不敢分乞兒餘火。

為冬華不祥之桃李。休明治象。尚畱於此。獨是聖天子大觀作人。釐正文章之詔。纍纍掛壁。而既曰文矣。恐非文人不能正。既曰正矣。又非正人不能文。此韓歐諸公所以起八代而光萬丈也。若以枯木朽株。而壓鄧林之林。陳陳餽餽。氣且逆鼻。而踞案大嚼。曰吾易乎識龍鮓。誰不姍笑之。必欲釐正。請還而求之於古。惟嗜古。則必窮嫩惡之林。按是非之則。而萬世之公論。出唯嗜古。則必托憑乎於銷沉之後。定皈依於訛亂之中。而人世之寵辱。輕所以讀茲編者。謂峰泐間。斌斌多文人焉。不知其為古之人。古之人也。吾亦論其人而已矣。

真臺閣之文。勒自詩從幾社集中。采之并舉姚張兩先生總序。以識雲間人文之盛。

原序

張溥

今天子詔下禮官。孳孳以進文學。選德能為務。甚盛事也。詔書到郡縣。吏史左右。顧升堂受命。書其邑之人。上應明詔。率逡巡不敢發。深山白髮之老。聞詔書。歡動顏色。或有欷吁泣下。恨生非其時者。其他高才子弟。年未任衣冠。即提筆走謝。官府願頌太平。通齒籍。終身為聞人。然度其時勢。不滿三歲。天下之人。不出獨雲間。諸子異甚。凡詔書之言。皆其所素為。辛未之秋。聯事鄉黨。治古文辭者九人。壬申冬。成二十卷。悉所期約。其未期約而自撰述者不在其中。讀之體不一。名折衷者。廣大都賦。本相如騷。原屈子樂府古歌。繇漢魏五七律。斷繇三唐贊序。班范誄銘。張蔡論學。韓愈記。仿宗元至時事。

如此畫贊反以不切

著策經義敷說別為一書自夫四海之大百歲之久不能
 也諸子生不出里閭年不及強仕為時幾何其言滿堂不綦
 盛歟曩者午之役予偕勒自閭公臥子燕又東歸論著作抵
 夜分臥子奮曰誠如子言即不得官可不恨大聲慷慨舟人
 動色辛未彝仲燕又臥子罷春官歸謂予曰今年不成數卷
 書不復與子聞今其言皆驗余獨僂仰客中無所發舒又不
 能勸說同里蚤夜樹立彬彬有聲辭命間一旦誦詔書盥沐
 不給寢興太息甚愧諸子嘏豫矣或謂諸子文辭太盛無束
 帛丘園之義疑與儒者不合然則六經非聖人作乎委巷之
 言君子所鄙言文行遠國家賴之且其人孝於而親忠於而
 君即不聞猶傳又有文焉其事全矣今人聞談性命不察其

結處波瀾甚好通篇喜其不泛而憂國之意隱隱可從言
 下想見篤摯

生平稱為儒家者流方言里諺視若太玄謂聖人在是諷雅
 頌之音覽竹素之字則等於鄒衍九州濫耳不信此固明詔
 所不許亦諸子當日所竊笑也

幾社集選

訪四十二首

華亭周立勳勒貞著

同里沈中柱石臣定

豫章陳允衡伯幾評

五言古

田家詩

薄涼薦晚渚。五月下新苗。雨餘開淨綠。溝塍自相條。前村烟
 火微。蟪蛄鳴終宵。水深傷苗本。實澤見清漻。樹頭棲黃鳥。隣
 家餉白鱖。田父勸勉力。晨餐不及朝。所貴在速長。殺草謀其
 厮。吾聞上古時。農祀重迎貓。太平防害稼。况乃征斂朝。疾耕
 待秋稅。無為官長囂。

怨悱而不亂

喜雨

中天走赤日。浮雲薄未空。炎光下四野。草木氣欲窮。苗枯土
 坼裂。水鶴避深叢。田父輟耜歎。仰看天垂虹。夜高漏明月。星
 盡霞復東。真人擁羽蓋。揮劍詈天公。丹砂分篆笈。東北來蒼
 龍。呼嘯雜雷電。風雨搖鴻濛。倏忽天地失。波濤相奔攻。樹勢
 若偃草。屋瓦成飄蓬。連舟烟火絕。接壠江河通。始知神鬼力。
 不與冠蓋同。堯湯委氣數。萬物無所蒙。茲術信靈異。反覆造
 化功。寄語下車者。無為勞貴躬。

古雜詩

西北有高樓。茫茫與雲齊。不知土所見。日暮聊攀躋。川原竟
 古直。蹊谷為低迷。烈士多感激。顧盼心已淒。荆吳方寇盜。萬

里事。鼓鞀終年困。資格遺嘆在。雲霓

冉冉孤雲沒。悲風日暮吹。深閨有思婦。常軒理素絲。良人在
 遠道。萬里交河湄。旌旗厭霜雪。車馬愁已疲。翩翩南飛雁。失
 路無還期。

河流信寬直。夾岸起青山。上有楓樹林。白雲與俱閒。遊子怨
 長道。日暮瀟湘還。神烟乍迴合。千里凋朱顏。傷哉賈生賦。悠
 悠不可攀。

我行東海上。朝暮見蓬瀛。三山沒波濤。宮闕珠貝明。常呼赤
 松子。每盼安期生。餽我九轉藥。服之體骨輕。長揖謝勿服。所
 志在簪纓。時俗尚富貴。方與禍患爭。燕趙羅佳女。連雲駕朱
 萼。卽此成羽翰。何必餐華英。

胸中自有詩故無蹈襲之病

效阮公體

四時更代處。流波無停川。老馬懷其齒。妖麗不終妍。如何世間士。屹屹至華顛。張蒼方卧病。相印不肯捐。在盛難久持。勢去為人憐。揚子獨無事。至今貴其玄。
不必引揚子宜更擇一人

昔日高安侯。貴幸方未央。持恩乞陵邑。為冢象連岡。黃金縷玉札。甲士起便房。寵深怨亦多。身死不得藏。零落依腐州。永為觀者傷。郭北冢。累累何處無。白楊。
十字得簡法再鋪叙幾句便弱矣

積書未得讀。孤燈照空室。貧賤多塵垢。歲月苦奔馳。涉江憇吾友。朝夕娛文辭。虞夏沿漢魏。晉宋達陳隋。事蹟既條粲。代次亦委蛇。旁羅有百氏。精

寒且華。滋窈窕。一室中。縱橫萬卷披。周觀恐竭暑。耽賞思。矚曦少時。無所識。今覽遂已疲。茫茫宇宙間。得失如茅茨。稍通帝王序。畧睨英哲詞。既營天象祕。益探地勢奇。豈不愛廣大。無乃神慮虧。淵明讀山海。朗然十三詩。時正觀也歷落詠史篇。古人見網維。子復還城市。氣理傷頑卑。小物庶勤綴。大雅未絕。吹感激。以慷慨。聊動烟雲姿。

舟行效江文通詩

凌晨戒舟楫。岸渚一已深。弱草承芳徑。孤雲冒遙岑。鬱葱起奇樹。永定寺銀杏宋植也歷落飛幽禽。蒲葉薄刺水。香風輕出林。海烟遠樹黑。江光日暮陰。奔潮恣涌蕩。高墳散崎嶇。嶽獨望千里。安知非古今。

送卧子陳大入燕

秋雲蕩河色。送子涉長湄。高天鷹隼滿。鸞鳳世所疑。江月發
 奇秀。汀花粲妍姿。景物攬以曠。客行會良時。盛才經文武。大
 雅振綱維。天下方戰鬪。甲兵難具治。余非窮巷志。側足逢險
 巘。子氣多感槩。頽傷中自嘻。關河未霜雪。擁楫渡寒溜。西眺
 天山樹。東觀遼水坻。壯心增歷落。文章富威儀。公卿接談論。
 精畧帝者知。白日散平原。涼風吹草茨。緬焉嗟中腸。不敢交
 別辭。廣衢先驥足。尺澤躡蚪螭。豈不懷世道。出處良有期。

甚肖卧子之風神鸞鳳世所疑五字刻
 癸未冬余避亂金陵同鄉羅公萬象居戶垣一日相過謂
 文人談經濟罕觀其效昨陳卧子從紹興督軍糧數千石
 至遂免此中脫中之呼真濟世才也余心識之明日揚龍
 友介予謁陳公于承恩寺所言皆機務絕不論文坐中伺
 城堦左二兄偶談其鄉社事水火欲公收回所撰某某序

文公應聲曰天下何等時正當漁小羣為大羣奈何意氣
 若此余退而益歎服公之慷慨激烈非僅文人比也其
 大節不具論如玄黃之戰至今猶紛拏未已安得聞公長
 者之言乎

五言律

江南贈別

吳雲高未收。離別在中洲。蘭芷牽芳恨。芙蓉溼曉愁。波聲微
 動。月山氣遠疑秋。解佩無言贈。湘江夜雨流。

曉

鳥飛分夜色。雲動散朝光。曲障餘佳睡。虛窗入早香。鏡奩初
 達曙。鬢髮未成行。誰念高樓外。寒風與雁翔。

第四句靜極非愛其艷也且有理

再過澱山湖

六五佳

百頃平無岸。浮雲細未連。鷗鳧團白渚。鴻雁沒青天。島嶼斜陽樹。桅檣獨夜船。應分帝子淚。瑤瑟理湘絃。
沒字人能知接青天二字妙說得最活却最確

曉湖初晴

天色開湖昧。羣峰來曉清。鶴飛晴不下。鳧沒溼猶輕。大勢趨山盡。微波與岸平。西陵宛轉地。歌舞為誰成。
亦雋亦遠

補楚遊詩

并序

余以熹皇帝之五年七月有事於楚。自京口達漢口。江路壯濶。山亦盡勢。引圖覽勝。略成篇什。不足不為恨也。八月十日。從漢口陸行。渡油河。宿蛇口。出於鄖隨之會。過蔡陽之遺墟。觀春陵之佳氣。然後至於襄樊。止于下陰。又二十

有三日焉。所過城郭邑里。皆有曩跡。余以昏旦登涉。行李復扁。鐻單車偏側。無可記者。然至川原。浩古驛表亭名。春秋所載。感目傷心。未嘗去諸意也。今年春。從我友子建。得觀曹能始先生名勝書記。載條理曠若舊遊。因憶所見而各綴以詩。覽者知所來矣。

渡油河

回首漢陽樹。已上油河船。烈烈風爭浪。蕭蕭雨雜煙。蛇村成旅宿。蠻府廢空傳。此夕飄飄意。應知異感甄。

曉發德安城

其城以沙為池。兩岸甚廣。中有一水。與人沒踵。渡之自此數十里。皆沙也。望之爛若金玉。風至不揚行其上者。亦復有聲。坦行周覽。接于雲夢焉。

宿雨蒼然霽愁人向曉看玉沙平欲暖雲夢杳生寒屢渡溪
聲合長征樹色寬如聞神女珮遙隔幾層巒
意象玲瓏雲間諸公所少

過隨州

東國隨為大何年更築城今州有新地連唐蔡古水散瀛溟

平暮竹依後猶荒臺植旆旌從來作賦客愁絕為南征州有邢居

實作南征頗深于杜賦故址

應山道中二首

自紫石舖抵蔡陽鎮百有餘里重岡複澗登涉為難亭午始發候月暝林居人四絕從騎未至憩於樹下今輿者前後護復令二輿者出林呼譟比遠鎮已分夜矣

秋風吹大野石路接危岡沙起連雲黑山荒向日黃問程徒
慘慘訪渡益茫茫晚色愁將近同遊更一行

前林月未出斜嶺路安之一望疑屯霧四垂恐絕炊急風昏
木石暝氣守熊羆念此愁難置懸崖未險巖

過襄陽

南來川郭迥遙帶漢陰西江白兼風雨山青息鼓鼙經營劉
表墓搖蕩謝莊谿客意能無醉愁臨渡口迷

漢江晚行宿中橋驛自此達鄴

馳暉不可攬山勢入江門客路殘星內官程候火喧登臨千
古事飄蕩一羈魂昔有思歸賦予知返故園

舟次黃州寄懷社中諸子

攬衣步沙磧日落黃州城魏祖旌旗盡吾家事業更薄游分
數子因別念平生無限悲秋色孤鴻向客鳴

赤壁懷古
亂山分夕照。列樹吟秋風。天遠城蕪沒。汀寒野燒空。紫雲開
宋業。赤壁記吳功。父老興亡後。山川百戰中。

獨夜

空庭聊徙倚。月色漸西斜。酒薄人歌劍。燈殘客夢家。明河沒
斷雁。落葉冷棲鴉。庾信愁無賴。江南又歲華。

稍落套

歲暮

雲物悲鄉土。江城卒歲時。聊歌當怨詈。強飲學支離。客計英
雄拙。天涯鬢髮移。歸途無論險。俯仰失前期。

先歸別同客

與君三百日。日日向愁顏。客夢頻同話。鄉心懶共還。拂舟江

燕。溼對酒巖花殷。別後知惆悵。生涯道路艱。

相聚三百日而不載其人姓氏何也

宿平原村同卧子用杜少陵韻

水濶風威厲。帆收日氣陰。得溪江口合。隔岸社烟深。鐘磬開
荒寂。星河徹夜沉。忽聞蟬噪雨。秋思積空林。

七言律

避地

忽忽乾坤寇盜催。江南無雨亦堪哀。時危不得舒籌策。主聖
何妨蔽草萊。已歎黃金能結客。敢歌白石自通媒。瑯琊殺氣
高邊徼。遼海征人日未回。

野泊

春陰寒雨滯歸程。對酒難歌倦後傾。折柳何年惟別恨。看梅
此夜不同情。煙畱遠樹。村先暗風。散平江波。乍生白鷺雙飛。
蘭槳外。愁看山靄暮縈縈。
最是清機

渡春申浦

浪捲平蕪。蹙岸回海天。何處見蓬萊。孤城帶雨沉。飛閣別浦。
連雲擁戍臺。可有宓妃乘水戲。能無賈傅托文哀。灘空日夜
潮聲急。幾向春申墓上來。
刻意七子

雨發卽宿徐聖期山莊

解維逆浪行三里。百尺斷岸雨中收。廢館荒臺各有意。小桃
叢竹皆能愁。南來雞犬諳舊事。東去雲山隨長流。却笑春風
催我別。故園咫尺鳥啾啾。

舟發金陵

片帆直上鼓聲聞。猶似當年射獵軍。西去野田圍白苧。北來
江樹壓黃雲。依依送客吳山小。漠漠愁人楚國分。巴道巴猿
能墜淚。那堪淒惻近湘君。
結句過唐

至日

暮鴻衝雨過江津。衰草離離又十旬。自笑投荒非謫宦。誰憐
去國獨辭親。記成風土兼商鄧。望盡雲山有蜀秦。客裏悲歌
逢至日。夜深笳鼓益傷神。
詩不入情。雖藻績何取。似此乃雲間希有之音也。

奉送楊機部冊使入蜀

二首

嘉陵驛樹古秋風。使者乘傳鳥道中。烽火乍收來馬刺。冊書
初下指蠶叢。梁園賓客推才盛。蜀國山川入賦雄。君到地形

知險要。不因父老喻巴東。

秋草荒茫萬里津。遙傳皇命寵詞臣。地連羌氏親藩重。日捧

龍鸞御冊新。神女廟前雲莽莽。金牛祠下水泯泯。應留劍閣

題銘在。未與楊雄作後人。

二首自是名作

十日

不知十日春能晚。此怨非關風雨深。明月異時親獨鳥。行雲

隔浦見遙岑。無端迢遞金閨信。可奈慙慙玉管心。盡說愁來

偏畏酒。誰知未飲亦沈沈。

每不喜讀此等詩

五言絕句

過漢光武故里

光武起南陽。血戰山河謐。故里鋤為田。斷碑畱落日。

七言絕句

采石懷古

江花寂寂照行舟。牛渚風生萬古秋。滿眼浮雲不可論。遊人

自上謫仙樓。

除夜

次高常侍韻

荒庭樹冷啼鴉眠。旅客相看倍黯然。此夕椒盤無弟妹。湘江

微雨暗流年。

暗字佳

首春謀歸

生烟舊雨嘆沉淪。又過江城十日春。楊柳漸看能贈別。故園

芳草未歸人。

贈澹雲王較書

小閣初陰雨未真衣香不散蝶羅新極知君意輕歌扇自採
寒花故贈人

幾社集選終

原序

湯賓尹

吾宣名詩者梅禹金其最也禹金之從弟子馬數稱詩倡和
成集淫於平康千金之產立廢獨遺其子士勸勉叔寄食禹
金禹金教之程以制業不省解獨晝夜從禹金繙書左漁右
獵腹囊驟壯咽中欲有所吐輒奏成音禹金狂喜時時拈韻
門嚼酒相覆意得之句峭蒨英艷幾於駕出亡何禹金死勉
此是古○文○開○鏡○叔烏烏不自得語多商聲弱冠時尚不知人間男女事禹金
數擬婚之堅不可偶一伎挑之輒復有淫心焉流宕之會沈
鬱牢慙血肉與唾俱枯已自知其不藥手一帙額予曰須此
此○詩○簡○得○好○以舍予眎之榻畔屬目而已古今才人困厄夭折皆其常境
如我家阿士季主不盈二旬三旬竟其才火攻伯仁不下勉

叔之于禹金也予所恨恨日月疾捷巧送快人我輩又虚擲
日月以度勉叔臨革一諾負條八年頃又及於大故予逋負
天地而何道以贖耶

原序

丘兆麟

才之難也不特人間即天上地下皆然一子淵耳而地下儲
為修文一長吉耳而天上推為作記乃知人之有才行者合
人間天上地下無不以為才行生亦富貴死亦富貴無所往
而不得富貴也世人於人之有才行者生則慶之死則吊之
無乃大或矣乎宣城梅勉叔者少年下筆言語妙天下迺曾
不得三十賚志以死傾邑之人美其才行無不吊之是徒語
勉叔不得久在人間耳豈知勉叔不在人間必在天上不在
天上必在地下夫使其得與子淵長吉同遊其可慶更有甚
焉者頃友人輩鐫行其詩文鐫行其詩文者何居蓋曰天上
地下吾不知吾所欲人人共知者人間耳於戲勉叔如有詩

文在人間即此○一○轉○妙○絕○以人間論之勉叔之人間抑亦可矣

從柳子厚賀王參元失火書看出結句飄渺之極

夫才與德不可兼而有之。與其兼而有之。則其才與德。必相損。此其所以。不可兼而有之也。夫勉叔之為人。其才與德。固已兼而有之。而其才與德。必相損。此其所以。不可兼而有之也。夫勉叔之為人。其才與德。固已兼而有之。而其才與德。必相損。此其所以。不可兼而有之也。

原叙

潘之恒

宣城梅氏多才幾甲寓內以余所假溢如禹金宏博季豹高古子馬俊逸皆在其下風而奕奕佳子弟中又復得一勉叔勉叔子馬之叔子也方髫而父見背季豹亦先亡即就禹金學起居步趨不違咫尺于禹金所繙必繹之所挹必漱之所拈必讐之移晷盈籤刻燭盡帙雖憊而未請息也凡學古者思則役心誦則役氣惟檢校為役神神易以傷最不受役故寧沈吟點筆勿以運其淵靜之神此善用其全者也令神散而氣索心為之馳少年英銳遂至銷磨無從穎脫者坐此余與勉叔盟別峰亟進此道而勉叔早悟欲擅諸父之長俊逸其夙具高古其志尚惟宏博不易竟以禹金所晚竟而企及

之○余○按○其○課○日○窮○廿○餘○卷○而○惜○其○神○之○傷○矣○若○唾○餘○則○神○之○
所○存○者○幾○希○宜○枯○而○彩○益○彰○宜○瘁○而○色○澤○益○潤○宜○漶○漫○而○結
構○益○嚴○何○以○致○斯○才○大○故○也○木○葉○隕○于○勁○風○而○松○栢○獨○青○白
雪○晞○于○陽○春○而○玉○壘○猶○積○惟○才○大○者○不○易○傷○而○力○亦○易○竟○也
諸○父○以○終○身○之○養○而○竟○其○世○勉○叔○以○窮○日○之○力○而○竟○其○年○其
受○傷○者○年○而○才○固○有○所○不○受○也○吾○故○為○之○評○曰○勉○叔○才○大○而
神○不○傷○雖○不○受○傷○而○力○亦○易○竟○也○則○其○才○固○有○未○竟○者○存○矣
同○社○詹○曰○至○劉○旭○以○余○知○勉○叔○出○唾○餘○屬○之○叙○僅○以○微○語○測
其○神○若○品○題○其○詩○則○有○睡○庵○先○生○在

文亦欠古却說得靈透是真相知語然此正髯翁之最洗
伐清徹者

自序

余比年從從父勝樂翁佐纂述之業朝夕一烏皮几兩人相
對讐校坐徹曙不能輟七年于斯然余素文弱不任勞久之
神傷而疾作中于肺未幾翁棄余去益多西州之感所讀書
束之度閣與藥爐禪榻為伴無事而或有吟信筆一薄蹠置
諸廢簾大抵得之黑甜之餘迺其音多悽鬱而枯沉間有冶
遊登覽强起應之或相慰止則掉首言余病矣設日月不待
何不秉燭即人壽苟延安俟河清然率往率有詩卒之神益
傷哉
勞而疾益瘁入夏來偃伏枕上淡悶而為唾日滿地兩童子
不給掃偶檢簾中詩閱之讀一篇輒唾去姪太鴻頗拾而錄
之成一帙名之唾餘亦僅存病馘之音而已倘貽諸同好聊

以見沈鬱之懷。古人三日不讀書，則舌本閒強。况余經歲之
不肱篋而能為詩耶。噫，恐見者之盡唾也。夫宣城梅士勸識

唾餘集選

為六十八首

宣城

梅士勸勉叔

著

豫章

康范生小范

定

陳允衡伯璣

評

集凡二百首
選六十八首

寄子雲叔大嵩

攜家住海陬。微宦亦何求。潮滿徵魚稅。雲晴看蜃樓。花間溪
上宅。人散竹西遊。視橐應如昔。唯添雙鬢秋。
頗覺淡遠

同禹金伯無猶兄赴韓澹明于淳湖

百里遙相命。輕橈沂渺茫。隨人數行雁。推枕一帆霜。遠岸浮
寒樹。平湖浴夕陽。魚鳧多入饌。風味漸吳鄉。
浴字是真宰

韓澹明先生當巖園

平泉遵世誠。別墅當巖樓。行藥風翻徑。移花霜滿畦。翎梳溪
鶴老。藥亞石楠低。對客還聯句。新詩詠鬪雞。
韓事不惡

同牛首僧及無已象先遊柏觀四首

入山秋欲老。夾路茗花開。我了多年約。僧從遠道來。巒深飄
翠冷。泉暗滴松哀。偶共居人語。淳風覺未頹。

八年重一到。山色尚蒼蒼。勝地呼停騎。佳遊夙裹糧。虹梁飛
木杪。雪瀑冷崑光。昔日題詩處。藤蘿幾尺長。

山路借雲深。幽奇不易尋。墓畱喬木舊。澗落古苔陰。懸石僧
跌坐。斜陽虎過林。寺門蕭瑟甚。一片夜鐘沉。

入夢亦佳境。披衣促伴行。林菲日影薄。竹露鳥啼清。壁倚天

因水擅名紆回信奇絕臨別有深情

夜侍禹金伯校書

室虛嚴夜氣。庭曠息喧聲。蠹簡親千古。雞窓坐五更。秋茶澄
露白。寒燭照霜清。自起繡緜帙。山童夢不驚。
結句想見苦境亦是樂境

至日同周承明集別峰庵

客心初共映。佛日正添長。數別驚連歲。分齋飲衆香。林光猶
待雪花信。值回陽。黃檗千年後。重叅舊講堂。
飲字亦佳

懷承明吳中

九州且歷半。廿載仍食貧。有刺干達者。無田養老親。黃金問
顏色。鬢髮變風塵。鯁菜餘生計。吳江理釣綸。

哭仲兄

哭母未踰歲哭兄還此辰廿年去者日一死傷哉貧家道堪
悲處吾宗可惜人夢中徒有淚池草不生春

老到

積慮原多種沉痾復久嬰清姿照水瑩羸質望秋傾襁褓憐
孤子饗殮累大兄撫棺皆慟絕弔者盡生平

少小及肩隨何曾形影離抱書同就塾分韻各裁詩昔吐同
心語今成永訣辭泉臺有靈氣聞我哭于斯

誰言遺腹子往往器堪成何意蘭仍蕙終傷槿不榮衰門無
善慶瞰室匪高明腸斷添哀怨空閨夜哭聲

語語從中腸
出若泛濫便

非自家骨肉矣

俞羨長先生再至

重遊記歲月舊友感晨星握手見頭白著書多汗青盤餐具

真率尊酒耐飄零相對轉無語窓中看敬亭

結頗遠却非
強合

莊居薄暮

負耒返深巷田家當晚時香風度苗黍斜照入茆茨遊目盡
真態閒心無俗期荒林一散步紅葉已盈枝

早起

桑樹鳴雞早柴檐風日和村墟自不遠烟靄亦何多晨碓春
朝食秋畝刈晚禾田翁樂豐歲散髮坐林阿

愛其不著色
相有摩詰之

風

聞汪君度宿柏規寺却寄

遙聞尋柏規頽寺無閒僧斷壁雲粘樹危橋石絡藤野麋寒
渡澗山鬼夜吹燈憶爾高眠處孤衾如抱水

同魏賓起韓元長無猶兄集天柱閣池亭
孤亭依渚就。小酌映池開。松影微通堞。山光一上臺。殘尊春
欲逗。雙屐雨頻催。餘興還能駐。僧寮秉燭來。

送賓起元長

歲晏人言別。離尊安可辭。梅花破寒早。雪片映春遲。湖氣搖
歸棹。山禽窺下帷。蕭條一凭檻。疎竹對相思。
稍淺却真

同李汝濟諸叔兄集無瑕舊宅時欲鄉居

列坐意俱曠。菁蔥峭蒨間。天低明燒遠。月出與人閒。溪水過
深竹。村烟連遠山。此中足幽賞。君欲幾時還。

清明同諸叔兄上先壠

隨路踏芳草。山花二月天。深林數椽屋。寒食幾家烟。社鼓醉

村酒。春犁耕墓田。斜陽壠首望。惆悵惜流年。

全首停勻結是即時之感

除夜家集感憶二兄潛然成詠

年年愁自在。不與歲俱除。衫漬酒痕滿。巾濡淚點餘。又添一
日長。未讀半床書。第二筵頭坐。今宵兩度虛。
氣味古

是夜再集無瑕兄燕翼堂

紅燭殘年照。華筵舊第開。村寒稀爆竹。山近約探梅。醉態徵
歌板。愁心託酒杯。鄉園漸芳艸。還共蹋春來。

同禹金伯過西樂庵

抱書來寂寞。出郭試芳春。孤磬逢雲駐。千林得雨新。種蓮成
白社。隔竹已紅塵。尚媿心多雜。虛名居士身。

次公叔別墅以水勝偶到有作

但隨流水去。一逕入平沙。童子拾浮葉。魚兒銜落花。書聲蟬
欲雜。暑氣竹全遮。階下泉堪汲。畱人坐啜茶。清穩

偶上天逸閣有作

幽花自落點苔斑。高閣無人白日閒。雕檻昔曾紅袖倚。瑣窓
今剩碧紗殷。不妨鄰樹搏飛鼠。却借重藤絡假山。一片敬亭
長在眼。土墻茅屋竹林間。

夏夜酒醒聞茶沸

浴罷閒庭何所爲。竹林桃簟最相宜。虛堂五月猶無暑。短燭
三更尚詠詩。月落不同花睡去。夢回恰是酒醒時。茶鑪正有
濤聲起。疑聽松風數里吹。數里二字新

擲陞官圖口占時諸子方待旌陽試信

臥雨一月餘。形容覺憔悴。稍霽尋我明。空堂坐涼吹。小扇不
輪葵。單衣亦解芟。白酒止數巡。朱顏已微醉。主人出方圖。客
子起圍視。歷歷署科名。森森具官位。雖無會典多。略似宦林
備。分途不止三。投采唯限四。或超官恩生。或擢鄉會試。捷徑
從武弁。卑銜起典吏。出身倘細微。服官竟沈滯。亦有閒散曹
薦陟清華地。名位方日躋。中道反顛躓。棲遲久部察。倏忽列
卿寺。淹速無他方。貪墨終爲累。本非奔競徒。頗蓄擠排意。宛
轉升八座。次第登三事。美蔭兼累封。功成亦名遂。赫矣馳驛
回。恬然乞身退。誰肯從急流。棄之如敝屣。爭此假縉紳。儼似
真富貴。那得俸幾千。反費錢一二。當場各有營。掩局都無謂。
擾擾長安塵。究竟亦若是。安能具眼人。榮華視如戲。諸君愛

明時因以見其志繁我無所慕聊用息枯睡暫爾聞斯言淡
焉忘世味須臾問門前可曾報馬至殊不見戲

哭禹金從父六首

季末肩文統清朝有伏輝側身時輩盡蒿目世情非慢俗言

稱好從人戰勝肥高名傾一代何必貴知希起四句鄭重之極

及門多置履閉閣靜垂簾烏几終身伴青衫到老嫌深談無

倦頰微醉略掀髯牙板教低按新聲阿鵲鹽

江東一世士硯北六年身愛我將加邾依君若飲醇知心斯

此道疑事質何人半豹須全付斯言佩在紳翁示余詩有備能半豹須全付

何得雷殘與蠹魚

平生腸燥雪清水出芙蓉偶到原無繫將歸不剩餘二文標

世美三偈答空虛握手唯相囑完子未竟書

鮮肥秋後蟹浮拍眼前厄此別空違與相看忍再持整襟同

坐處掩袂獨來時子爾臨書夜淒風灑淚絲

六十餘年事書帷爓一燈定文難後世操槩欲先登牙慧人

爭巧心傳我未能遺編流四遠君死亦何曾

一字必有來歷却無蹈襲之病即君之技至此似亦難更進矣

赴板橋莊再哭禹金伯

不暫停閨閣傾城引紉來人環丹旆泣風颯白楊哀園栗秋

誰撲籬花暝自開下從吾亦許年矢任相催

結句深痛

含悲自此往驅蹇踏斜陽逝水俱歸壑疎林幾待霜酒香澆

殞土竹粉供靈林終古精華在松楸闕一莊

鄉評稱沒世國士感平生此日憂心悄何時淚眼睛河山撫
陳跡羸縮慨人情籃筍東林路今來只獨行
載塗聽偶語滿口誦遺文里社爭傳記泉臺迴不聞死生亦
大矣零落復何云叩策秋光裏哀蟬弔白雲
四首皆是再哭之情

禹金伯効已月餘撫今感昔觸緒成詩

尋常每月課書程卅日秋光送一生漠漠重泉君不見可知
人世已難行
我來童卯已相從也得提攜竹素中無可報君唯自愛讀書
還與六年同
詩文畱得滿青箱囑與編摩莫漫藏一幅蒲帆雙眼淚白門

關外送血郎

一幘遺像六言題來在東方去在西頰暈微酣如欲笑莫教
相對作悲啼

埋頭鬢髮變成翁千卷遺書秘帳中盡付棗梨應有日逢人
誰不問江東

林中舊社少年時先後凋零在者誰地下吾翁相見否應言
有子亦能詩

千金曾置畫眉新販禮瞿曇二十春器翫也知身外物爲君
收得是何人

何用勞勞口鼓禪他生粥飯願隨緣臨終半偈曾彈破不住
僧中不住仙

澹然與世少交親。亦有平生幕下賓。痛哭君前聞也未。酬恩不是受恩人。

半世僮奴不稱心。囊書付與篋衣侵。輻車一出門廊寂。酒市歌樓何處尋。

生平交情卽生平。心血勿以詩論。

贈丘君黃逸

詩書雖滿腹。不如一囊錢。此語真足千載傳。丘生有才坐自困。衿不蔽肘。履欲穿古貌。古心識者少。汨汨風塵雙鬢老。讀書何但記姓名。落筆兼能擅真草。手鈔心誦成書癖。旁坐觀之良一適。驚蛇入草勢宛宛。春蠶食葉聲淅淅。腕轉靈機如有神。身無媚骨難依人。市上小兒號癡絕。室中老婦甘長貧。

丘生能詩都挂口。丘生善書不停手。腹內容卿數百人。時復摩挲問何有。長安寶肆碎胡琴。不難解音難賞音。一片方響池中躍。七尺枯桐爨下尋。損菴睡菴兩太史。一死一生感知已。何嫌滿口稱向人。貧士酬恩有如此。

病中同諸子溪汎

花落小潭深。青山命侶尋。晚風銷酒色。烟棹出峯音。度峽逢榆袂。迴波忽濺襟。病顏聊一振。自起扣舷吟。

行園歎

空亭剝落生瓦松。槐根霜冷搖秋蟲。古牆月出人。不見自照。輓轡荒井中。曾是天邪流冶處。井上胭脂唾香露。花移寶檻春不闌。蠟膩銅盤夜難曙。欄杆碎拍紅珊瑚。一曲西飛歌夜

此境此

烏醉士酣呼長振瓦。佳人惜別損流珠。瞬眼韶光如逝水。遺
鈿委翠苔華裏。一持綠酒滴蒼雲。醉魂不醒香魂死。我行此
園悲暮秋。昔人爲樂今人愁。三徑荒蕪非所惜。珍重平泉片
石留。

贈蘭姬

不○斷○風○情○數○里○吹○飄○如○柳○絮○繫○如○絲○曉○妝○未○了○相○迎○笑○記○得○
垂○楊○下○馬○時○

烏啼曲

沉○香○火○燼○銀○缸○滅○啞○啞○烏○啼○初○送○客○寶○簾○珠○帷○詎○肯○留○絲○騎○
鈿○車○歸○不○得○素○手○纖○纖○紅○粉○妝○一○鈎○羅○襪○露○微○霜○解○識○情○癡○
勝○情○死○卽○今○相○去○莫○相○忘○嚙○脣○連○臂○稱○心○許○凝○睇○迴○波○共○郎○

語○但○須○膽○照○秦○宮○銅○何○必○身○爲○楚○宮○雨○樹○影○隴○隴○月○影○遲○擁○
袖○迴○廊○小○立○時○可○憐○蟬○鬢○多○情○女○誰○是○虬○鬚○游○俠○兒○欲○行○不○
行○魂○若○失○紫○袂○衣○寒○步○搖○濕○拭○淚○與○卿○卿○莫○悲○轉○悔○當○時○誤○
相○識○雙○珠○合○映○自○有○神○終○待○團○樂○并○一○身○詩○成○莫○待○烏○啼○歇○
啼○向○紅○樓○夢○裏○人○
傳君以情死然未有不痴而能死者此
詩微病其少痴處

程君達自嶺南歸同詹曰至訪之因夜過曲中

幾○年○畱○滯○海○烟○寬○握○手○初○言○故○里○歡○曲○巷○燈○懸○催○市○散○小○樓○
人○起○貼○風○寒○柔○情○繞○指○何○時○斷○勝○友○同○心○此○地○難○共○有○冶○遊○
應○不○負○莫○畱○花○月○與○人○看○

同諸友攜妓集伯揆齋中

語○笑○向○何○適○逢○君○耳○目○清○鑑○濤○修○茗○事○城○漏○出○花○聲○彩○袖○偃○

春暈紅牙拍夜情時因公子駕常過老侯羸

後四句佳

過詹幼薦齋中有所懷

話深殘燧墮燈檠一榻空香著夢清何事吾生唯善病正教我輩解鍾情過簷霜竹封寒氣倚枕風蓮類雨聲却憶酒醒楊柳外誰家初按柘枝輕

病中寄韓元長

正爾懷人感滯淫啼禽滑滑泥春陰山中黃獨滋余疾道上紅塵浣子衿晨起窺餅微見粟夜深欹枕一愁霖枯羸消盡平生志命駕猶餘涉遠心

程君達金陵還過訪病中賦贈

我體成疲瘵君腰患屈伸市樓塵眯眼山幕雨殘春適彼土

非樂來茲裝更貧請言湖海外名輩幾何人

有不可一世之意

喜君達去住輕快無宣士氣

此生卽此老仰此彈九天顧我亦若是喜君能脫然纔炊隣竈火又數渡江錢每笑誰拘縛吳蠶繭內眠

西樂自恬寂後追憶同禹翁昔游

年年春老西門路白髮烏巾出城去竹外已聞疎磬聲竹下有僧來笑迎乍過此中離熱鬧花影一牀茶一鉢髮友何如禿友真梵語不如吳語妙窓外數个青竹枝每來一度題一詩竹上猶存舊題字一剎那間人換世先生之去歲未周雙屐不忍西樂遊聞師示寂纔數月忽爾遽成甘露滅嗟嗟人命呼吸真無常許掾已死支遁亡此菴若無此僧住何人更

上黃泥岡

病中寄某師

幻身浮世繫絲兒少悟空華尚賴師老去談禪須更詣病來
求藥恐應遲僅存皮骨終販道未落鬚眉起俗疑踪跡九年
相印可池中長記白蓮枝

死生儘覺自在

寫懷示劉旭

終朝束影對團蒲倚壁練囊暗網蛛度世願成多寶佛來生
寧作守財奴掌中界小觀那律耳內聲喧混葛盧是處佳山
吾待往杖頭欲挂一錢無

約劉五詹十六十七看蕪湖競渡

我昔曾在蕪湖住五月五日觀競渡畫樓綵鷁高接天雷笑

雲歌遏江霧自我來斯今幾年不見橫江萬斛船會須一舸
同君去重聽誰家舊管弦眼無暢觀神亦俗病中又對菖蒲
絲丈夫有身不能跳蕩以自快安得守此彈丸而鬱鬱吁嗟
乎固是我輩初無奇有奇則世亦必知君不見屈原雖其人
已死至今猶造龍舟而弔之

攜酒詹叔和昆弟園居時方有里試

振衣初肅客散步即行田載酒如期至看書無夜眠新禽栖
露語微月照花然以我多蓬草時名好自憐

客談南中之樂

畫舫七香車清淮楊柳疎唱橈春弄渺移燭夜簾虛見客猶
餘夢催人不得梳遠山雖若黛無分病相如

別

病中同爾誠無暇夜坐

莫嗔人棄我好我卽貧人項領俱能直襟期轉自親病顏風
下怯醉語燭前真夙昔悲涼意因君略具陳
蓬飄常寄跡茶苦徧沾脣強酒時傷肺讎書夜損神藥雖支
久病文不耐長貧造物多搏弄將何置此身

結句不成語

